

JESUCRISTO VYAAWA'JA'S CAAJIYU'JNI

1 ¹Naa tyä'wē Dyus caajiyu'jnisa' Jesucristo's, atsa' Jesucristo' tyä'sna selpisaatycu caajiyu'jwa'jsa yu' naa ensu seena' yūuwa'ja's, cyajc Jesucristo' tyä'sna selpisáa Juana's caajiyu'j teech angela's cwe'we'jrra. ²Tyāa pa'gac Juana' Dyus yuwe isasa's we'we Jesucristo caavya'ja'tje uyni's jyuca, tyāasa išhīinisame'. ³Naa pa'ga na'sna leeisa' űismée wechana yaacywa'jsata', atsa' Dyus yuwe ayte na'wē fi'jni' tyä'sna leeitste wēse'jsava isasa yujna sūjna yajcyrra cytey yuusa' wechana yaacywa'j ji'pjta'. Tyä'wēme' quíjva seena' cytey yuuwa'j ena' utyaatsa'.

Dyus nasa siete ajte pcjaacjesaty wechani

⁴Juan yaasesa andytju fi'ja' Asia quiwete Dyus luuch siete ajte pcjaacjesawe'shtyi wechana. Dyus yacj ewrráa mfi'nzewe. Tyä' nyaffiiva tyāaírráac yu', sa' áchva tyāaírrá', sa' tyāaírráa bagachteva nes yuuna. Sa' Dyus tashte űssa siete espíritusawe'sh pu'chnityva mpa'gawe. ⁵Sa' tyä'wēy Jesucristo pu'chni'sva mpa'gawe. Tyä' Dyus yuwe's jyuca pta'shsa' tyāac uurrava qui' ityī yuu nyafyte, sa' áchja' tyāa jycaajya' ājāwa'jsa' naa quiwete jycaajsawe'shtyi. Cristo' cue'shtyi's peeygājrra cue'sh pcaltyi's tyajy eeju pcji'cyacu. ⁶Tyä'wē yūurrac cue'shtyi's jycaajsa vite' sacerdote vitrra nvijt Dyusa's selpicajn. Sa' Cristo yuurráa quíjtea jyuca ājāsa jytujtje yuuwa'jsa' bagachteva.

⁷Tyä'sa' mtjengwe, tāapjte yuja'. Tyä'sa' jyucaysa uyuutyna, tyä'sna cpā'vit-sava. Sa' uyrra' naa quiwete nasa jyucaysa ű'netyna. Isatj we'we', tyä'wē yuj yuutyna.

⁸Cue'shtyi nwe'wesa' ma'wē yūuwa'ja'sva ājāwa'jsa we'werra': Andya' naa quiwe meetey űsyā'tj yu', sa' bagachteva nes yuuwa'jsatj ptsuwa'jsamée jī'c. Tyä' nyaffiiva tyāac yu', sa' áchva tyāaírrá', sa' tyāaírráa bagachteva nes yuuna.

Dyus Nchi'c nasa yuusáa vyaani

⁹Andya' Juan i'cue'sh yacjtjē'tj. Tyāasa i'cue'sh na'wēy ja'ndarraj pytjaa yuuwa'ja'sva jypa'gasatj, sa' Dyus jycaajni ena'sva jypa'gasatj i'cue'sh

na'wēy. Sa' Jesucristo' quījteva wantāywa'ja's ūscu tyā'snava i'cue'sh na'wēy jypa'gasatj. Nava naasáa Dyus yuwe's Jesucristo caajiyu'cj tyā'sna pta'shpa'ga yuurráa andya' preesutj ūsu' quiwe Patmos yaasesa yu'pyājte u'pu'c cytee. ¹⁰Sa' teech qui'sen ente' Dyus Espiritu apjniitj yuu, sa' andy e'ste trompeta's tucani na'wē seena' sus we'weni wēse'tj. ¹¹Tyā' na'jī'c:

—Quij yujva meetey andya' ūsyā'tj yu', sa' bagachteva nes yuuwa'jsatj. Atsa' indy uyuutsngu tyāatyī's estse fi'jrra mcaaj Dyus luuch siete ajte pcjaacjena ūssa Asia quiwetewe'shtyi, Efeso, Esmirna, Pérgamo, Tiatira, Sardis, Filadelfia, Laodicea tyāa chjambtewe'shtyi jīte', ¹²¿Quimqui'c tyā'wē we'we? sūjrra yu'tjengrra', uytju bela tyaajnisia sietety ūsu' vyuu bejrrarráasa. ¹³Sa' tyāa bela tyaajnisia cshavyte Dyus Nchi'c nasa yuusáa na'wēsac ūsu', ropa chinda vitste quijsa atjrra, jytundnisava vyuu bejrrarráasa pechute cāj tapesac ji'pju'. ¹⁴Sa' dycjas yu' cjas ew chijme na'wēty yu', meerrava yāndy na'wē chijme. Sa' yafy yu' ipy beesa na'wēty yu', ¹⁵naapcachja' tyajy chinda yu', tsama's ipyte aacha'jni na'wēty zhichcue cuentete'. Atsa' tyajy we'weni yu' yu'wala seena' susni na'wēc ptjūuse'. ¹⁶Tyajy cusete yu' siete estrellatycu ji'pju', naapcachja' tyajy yuwesu yu' espada pdyi'p seena' zecsac sējna ūsu'. Atsa' tyajy dyl'p yu' sec cweetjni na'wēc eena' cji'cyna ūsu'. ¹⁷Atsa' tyā'wē uyrra', tyajy tashga uuní na'wētj wete. Nava tyajy cuse patsuwe'sha's andy cajcuete peequinzerra na'jī'c:

—Ūucjnu, naa quiwe meetey andya' ūsyā'tj yu', sa' bagachteva nes yuuwa'jsatj ptsuwa'jsamée. ¹⁸Uurrava qui' ityī yuusatj. Uuwa'ja's peena yu' ji'pjuyamée andytju cnay, sa' uu quiweteva caafi'nze'ljme'nja, tyāasa āchja' bagachteva ityīrráa nes yuuwa'jsatj. ¹⁹Na'wē indy uyngu tyāatyī' mfi'lj, āchj uynisa qui' e'su vite uyuune'nga tyāatyva. ²⁰Andy patsu cusete siete estrellaty uyngu vite' bela tyaajni sietesaty tyā'wēsa' na'wē caajiyu'jsata': Tyāa estrella' Dyus luuch siete ajte pcjaacjena ūssaty yuwee pta'shsa angeleswe'shta', naapcachja' siete bela tyaajnisia' Dyus luuch siete ajte pcjaacjesawe'shta' jī'c.

Efeso chjambtewe'shtyi pta'shni

2 ¹Dyus luuch Efeso chjambtewe'shtyi jype'jsa Dyus angela's mfi'lj na'ljīna: Patsu cuseju siete estrellaty atrra siete bela tyaajnisia vyuu bejrrarráata' tyāa cshavysu u'ljusa we'werra' na'ljī'c: ²Dyus dyl'pte i'cue'sh ma'wē fi'nzesateva jyuca jiitj. Wala yuj chjāchja mjiina wantāyna fi'nzesa i'cue, sa' ewmeesa yuutyī'sa' jypa'ga'tsmée i'cue. Tyā'wē Jesus jycaajnisatja'w jīna pa'jsawe'shtyi'sa' jypa'gamée quimteva ew jiyuya' yuwe paapēyi'i'cue, sa' tyā'wē yūurra' Jesus jycaajnisamée išhīsateva jiyu'i'cue. ³Wajtymée andyna selpiipa'ga wala pytjaa yuuna wantāyna mjiīwalj ji'pju'i'cue tyā'wē yūuni's andya' jiitj. ⁴Nava i'cue'sh ājmée yūuni's we'wewa'lj ji'ptju. Nyafii na'wē i'cue wala peeygāawa'ja's ji'pju' tyāa

yu'sa' āchja' jì'pjmée i'cue. ⁵Tyāa pa'ga quíjtene'cue jypumba tyāa pcala's nvijtrra Dyus tashte mishawendwe, sa' nyafíi ma'wēne'cue peeygāasa yu' tyā'wēy myūuwe. Tyā'wē yūumeete', tund yuwe'nja i'cue'shtyi castigāyya', sa' i'cue'sh cshavyu bela tyaa'jni's jyūna u'jrra vite ajte tyaja'nja, pcaltyi nvijtrra Dyus tashte shawendmeete'. ⁶Tyā'wērrava na'wē yūuwa'l yu'sa' ew i'cue yū'. Nicolaitawe'sh fi'nzeni yu'sa' atse'i'cue tyā'wēsa yu'sa' andyva atse'tj. ⁷Cytesy nwēese'jwa'jsa ūsrra', mwēese'jwe Dyus Espiritu' na'wēc we'we' Dyus luuchtyi: Dyus ūsnite fytūu tash ūsa' bagachte yujva peejymée yūnna nes yuusa tyā' uumée caafi'nze'jsa'. Tyā'sa' puutsu'nja ewmeesa yu'sa' nwēese'jmée jyuca cnaysawe'shtyi'sa' jī'c.

Esmirna chjambtewe'shtyi pta'shni

⁸Dyus luuch Esmirna chjambtewe'shtyi jype'jsa Dyus angela's na'jīna mfi'lj: Naa quiwe meetey ūsyā'cj yu' sa' bagachteva nes yuuwa'jsa uurra qui' ityī yuuc tyā' na'jī'c: ⁹Dyus dyi'pte i'cue'sh ma'wē fi'nzesateva jyuca jii'tj. I'cue'sh pytjaa yuuna quíjva jì'pjmée fi'nzeni tyā'wē yūuni's jii'tj. (Nava ew yajcyte yu' wala jì'pjsa i'cue.) Sa' Dyus luuch meerrava Dyus luuchtja'w jīna weech we'wesatyva jii'tj. Nava tyā'wē yūusa' echtjē'l nasa yuurráata'. ¹⁰Pytjaa yuuwa'l pa'jana tyā'sa' ūucjmeene'cue. Echtjē'ja' i'cue'sh maafityi's carcelte tyajana, i'cue'sh jyucaysa ma'wē yūuteva jiyuya'. Atsa' diez enpcach wala pytjaa yuuwa'l jì'pjune'cue. Nava Dyus yacj tyutemée mfi'nzewe uu entepcach, atsa' andya' ityī fi'nzewa'ja's ūsu'nja tyā'wē ew fi'nzepa'ga. ¹¹Cytesy nwēese'jwa'jsa ūsrra', mwēese'jwe Dyus Espiritu' na'wēc we'we' Dyus luuchtyi: Ewmeesa yu'sa' nwēese'jmée jyuca cnaysawe'sha' Dyus yacj bagachte yujva peena yu' puuty uywa'lmeete yu' u'jmeetya jī'c.

Pérgamo chjambtewe'shtyi pta'shni

¹²Dyus luuch Pérgamo chjambtewe'shtyi jype'jsa Dyus angela's na'jīna mfi'lj: Espada pdyi'p zecsa's jì'pjsa' na'jī'c: ¹³Dyus dyi'pte i'cue'sh ma'wē fi'nzesateva jyuca jii'tj. I'cue'sha' echtjē'l jycaajna ūsni cshavyte ūsrrava, andy tashu yu' tyutemée i'cue fi'nze'. Andy caapiya'jni's pta'shsa Antipas nacue wala seena' pytjaa i'cue'sh cshavyte icjni yuuc tyāa enterráa yujva ūucjrra andy yase's cysusmée yu' yuumée i'cue, cyteec echtjē'l ūsu' nava. ¹⁴Tyā'wēteva i'cue'sh ājmée yūuni's we'wewa'l jì'ptju: Balaan caapiya'jni's nwēese'jsawe'shtyi i'cue'sha' iipe'l'j'cue Pérgamo chjambte. Tyāa Balaana' Balacja's ewmeec yu'cypej Israelwe'shtyi's caypumba'cjan, tyāasac Dyus ityīmeesaty wechana tajcy icjni chicha's ū'caaj, sa' pcal canzh yuuna fi'nzewa'ja'sva caapiya'cj. ¹⁵Sa' Nicolaitawe'sh caapiya'jni's nwēese'jsawe'shtyiva iipe'l'j'cue. Tyā'wēsa yuutyi's andya' atse'tj. ¹⁶Tyāa pa'ga pcala's nvijtrra Dyus tashte mishawendwe. Tyā'wēme' andya' dund i'cue'sh tashna yujrra, tyā'wē ewmée fi'nzesawe'shtyi castigai'nja espada

pdyl'p zecsa ji'ptju tyāaju. ¹⁷Cytesy nwēese'jwa'jsa ūsrra', mwēese'jwe Dyus Espiritu' na'wēc we'we' Dyus luuchtyi: Ewmeesa yu'sa' nwēese'jmée jyuca cnaysawe'shtyi's ūsu'nja maná ū'nisa jyaawni ūsa' tyā'sna. Sa' teech cuet chijme ūsu'nja, sa' tyāa cuette yu' yase u'sesa's fi'ljni yuuna quim yujva jiyunimeesa naasáa tyāa cueta's jypa'gasa yuurráa jiyuna jī'c.

Tiatira chjambtewe'shtyi pta'shni

¹⁸Dyus luuch Tiatira chjambtewe'shtyi jype'jsa Dyus angela's na'ljina mfi'lj: Dyus Nchi'c yafy ipy beeni na'wēsa ji'pjsa tyajy chinda tsam na'wē cuentetesa ji'pjsa na'ljī'c: ¹⁹Dyus dyi'pte i'cue'sh ma'wē fi'nzesateva jyuca jiitj. I'cue'sh peeygāani, ūuste jypumbamée Dyusa's yajcyna fi'nzeni, wa'lmée selpiina fi'nzeni tyā'wē yūuni's jiitj. Sa' nyaffi meerra' āchja' tjaacue mjīina ūsi'cue. ²⁰Nava i'cue'sh ājmée yūuni's we'wewa'j ji'ptju: Tyāa u'y Jezabela's ma'ljī'tsmée i'cue, tyāa u'ya' Dyus cwe'we'jni'stju pta'shi' jirra andyna selpisaaty caypumba'ja'cj pcal canzhsate caafi'nze'jna, sa' tajcy icjrra Dyus ityīmeesaty wechawa'ja' jīnac caapiya'ja'. ²¹Andya' tyāa u'ya's en ūstju tyāa pcala's nvijtrra Dyus tashte shawendcajn. Nava tyā'wē yūuya' wa'lrira tyāa pcal canzhsateyrráac fi'nze'. ²²Tyāa pa'ga andya' tyāa u'ya's castiga'lnja, atsa' tyāa u'y caapiya'jni's nvijmeerra', tyāawe'shva seena' yuj pytjaa yuuwa'j ji'pjutyna. ²³Sa' tyāa u'y luuchtyi's icje'nja. Tyā'wē yūute Dyus luucha' jyucaysa jiyutyna andya' tyāawe'sh ūs dyiiju yaacyni's jyuca jiyusateva. Sa' i'cue'sh teehsa na'wērraj quīj yūusateva, ca'tuva tyā'wēy yu'nja. ²⁴Nava Tiatira chjambte ūssa maava tyāa u'y caapiya'jni's nwēese'jsamée vite' na'wē echtjē'j caapiya'jni quim yujva jiyunimeesa jī'ty tyā'snava nwēese'jsameewe'sha' andy yu'cypejwa'j peejymeei'cue. ²⁵Nava ew fi'nzewa'ja's pechcananuwe andy shawendpcach. ²⁶Sa' ewmeesa yu'sa' nwēese'jmée quijteva jyuca cnayrra andy jytjāasnirrá's nmej entepcach cytey yuuna fi'nzesa yu'sa' nasa mteewe'shtyiva jyuca jycaajya' ājāwa'ja's ūsu'nja, ²⁷andy Tatava ma'wēga andy jycaajya' ājāwa'ja's ūs tyā'wēy. Atsa' nasa jyucaysaty seena' yuj juuna' yuuna jycaajana, quiwee mityj achamée ewsa's ma'wēga ya'undu' tyā'wēyrráa yuuni yuutyna. ²⁸Sa' cjcijitste cāasa estrella'sva ūsu'nja. ²⁹Cytesy nwēese'jwa'jsa ūsrra', Dyus Espiritu' na'wēc we'we' Dyus luuchtyi tyā'sna mwēese'jwe jī'c.

Sardis chjambtewe'shtyi pta'shni

3 ¹Dyus luuch Sardis chjambtewe'shtyi jype'jsa Dyus angela's na'ljina mfi'lj: Dyus tashte ūssa sietesaty jycaajsa tyajy cusete yu' siete estrellaty atrra ūssa na'ljī'c: Dyus dyi'pte i'cue'sh ma'wē fi'nzesateva jyuca jiitj. Ityī ūstja'w jīna jytujtje i'cue fi'nze', nava uuníi na'wē ūsi'cue. ²Chjāchja fi'nzewa'ja's miiyajcywe. Tyā'wēme', Dyus yacj fi'nzewa'j yu'sa' quījnava jyuca iviituwa'tjerráa yā'j ūsi'cue. Iiuytju Dyus dyi'pte

i'cue'sha' ewmée i'cue fi'nze!. Pcala's nvijtrra Dyus tashte mishawendwe. ³Sa' i'cue'shtyi ew caapiya'jni's yajcyrra tyā's yuurráana cytey yuuna mfi'nzewe. Tyā'wē jypa'yacymeete!, andya' cus peswée na'wērráa pa'ja'nja i'cue'sh tashte, quim yujva jiyunimeete. ⁴Tyā'wērrava cytee Sardis chjambte manz nasa yu' atjni ropa cjūuchji'jnimeesaty ji'ppi'cue, atsa' tyāawe'sha' andy yacj fi'nzetya ropa chijmesa atjrra, tyāawe'sha' tyā'wē fi'nzewa'jsata!. ⁵Ewmeesa yu'sa' nwēese'jmée quijteva jyuca cnaysawe'sha' ropa chijmesa caatje'jni yuutyna. Atsa' tyāawe'sh yasetyi's cjucjme'nja bagachte yujva uuwa'jmée ityi fi'nzewa'j libruju, wejyva tyāawe'sh yasetyi's pta'shna caajiyu'ju'nja andy Tata vite! tyajj angeleswe'sh dyi'pte. ⁶Cytey nwēese'jwa'jsa ūsrra!, Dyus Espiritu' na'wēc we'we' Dyus luuchtyi tyā'sna mwēese'jwe ji'c.

Filadelfia chjambtewe'shtyi pta'shni

⁷Dyus luuch Filadelfia chjambtewe'shtyi jype'jsa Dyus angela's na'ljina mfi'j: Jycaajsa David llavi's ji'pjsa tyāa pjandeyā'tje!, quim yujva apja'tsme!, sa' tyāa apjte!, quim yujva pjande'tsme! tyā'wē isasa's pta'shsa' na'lji'c: ⁸Dyus dyi'pte i'cue'sh ma'wē fi'nzesateva jyuca jii'tj. I'cue'sh fi'nzewa'j dyi'ja's pjanterra nvijttju tyā'sa' quim yujva apjya' ājāmeena. I'cue'sha' Dyus dyi'pte achamée i'cue chjāchja fi'nze!, nava andy pta'shni yu'sa' cytey yuuna ūsi'cue andy yu'sa' ajtsemée. ⁹Atsa' tyāa pa'ga i'cue'sh tashte peejyūcucacajñ caja'nja echtjē'j nasa judiumeerrava judiutja'w jīna ishīsawe'shtyi, cyaj tyāawe'sha' jiyutyna andya' i'cue'shtyi's peeygāasateva. ¹⁰Quijteva jyuca wantāywa'ja's andy jycaajni's cytey nwēese'ji'cue, tyāa pa'ga andya' jyaawu'nja i'cue'shtyi's naa quiwete jyucaysawe'sh ma'wē yūuteva jiyuya' nūswa'j en pa'jana naa quiwe uta tyāa ente. ¹¹Tyachmey shawendu'nja. Ew fi'nzeni's mpa'yajcywe, cyaj tyā'wē fi'nzepa'ga i'cue'shtyi ūswa'j ūsa' tyā'sna quim yujva cusa'jmeena. ¹²Ewmeesa yu'sa' nwēese'jmée quijteva jyuca cnaysawe'shtyi's andy Dyus tashtewe'sh seena' chjāchjasa vitu'nja, atsa' bagachte yujva casejmeetyna tyāajū. Sa' tyāawe'sh cacuete fi'jrra qui'pu'nja andy Dyus yase vite! andy Dyus yujuni chjamb yase Jerusalem u'sesa cielutewe'sh tyāaty. Sa' andy yase u'sesa'sva tyāawe'sh cacuete yuu fi'jrra qui'pu'nja. ¹³Cytey nwēese'jwa'jsa ūsrra!, Dyus Espiritu' na'wēc we'we' Dyus luuchtyi tyā'sna mwēese'jwe ji'c.

Laodicea chjambtewe'shtyi pta'shni

¹⁴Dyus luuch Laodicea chjambtewe'shtyi jype'jsa Dyus angela's na'ljina mfi'j: Ishīsamée quijteva jyuca isasarrá's we'wesa quij yujva meetey ūsyā'cj yu' tyā' na'lji'c: ¹⁵Dyus dyi'pte i'cue'sh ma'wē fi'nzesateva andya' jyuca jii'tj. Dyusa's ūsuj jyuca yaacypa'gamée finzeva meei'cue, sa' achava meei'cue. Tyā'wē yā'jrra!, jyucate finze yuuvats wejy ewna,

meerrava acha yuuni ewna. ¹⁶Nava finzeva meei'cue, sa' achavamée wejcuërráa bajyi'cue, tyāa pa'ga andy yuwejū i'cue'shtyi pungaya'vatj. ¹⁷I'cue'sha' wala ji'pjsarra quīj yujva peejymée wala ewrráa fi'nzena ūstja'w ji'i'cue. Nava quīj yujva ji'pjmée sūpyrráa uyya' ājāmée nuste wētmeete yuurráa fi'nzeni yu'sa' jiyumée ūsi'cue. ¹⁸Tyāa pa'gatj na'wē yu'cypeje': Wala ji'pjsa yuu wēerra', andya'srrarráa mweywe vyuu bej ew pjeu'jnisa. Sūpyrráa fi'nzeya'mée atjwa'j ropa chijmesanava mweywe. Sa' yafytewe'sh yu'tseva mweywe. ¹⁹Andy peeYGāanisatyi's juuna'tj we'wena yu'cypeje' jyucaysaty. Tyā'wē Dyus yacj chjāchja fi'nzeya', pcala's nvijrra Dyus tashte mishawendwe. ²⁰Mwēese'ljwe, andya' vityte pa'yana ūstju. Atsa' maava andy we'weni's wēse'ljra ca'ga'tje', cytee u'carra tyāa yacj fi'nze'nja, atsa' tyāava andy yacj fi'nzena. ²¹Ewmeesa yu'sa' nwēese'jmée quījteva jyuca cnaysawe'shtyi's andy jycaajna ūsnite ij ūswa'jsa vitu'nja, andyva ma'wēca ewmeesa's nwēese'jmée jyuca cnayrra andy Tata jycaajna ūsni pucate cach tyā'wēy. ²²Cytee nwēese'ljwa'jsa ūsrra', Dyus Espiritu' na'wēc we'we' Dyus luuchtyi tyā'sna mwēese'ljwe ji'c.

Dyusa's cielute wechana ūsni

4 ¹Tyāa e'su' qui' tjengrra' uytju cielute vity pjaterra ūste. Atsa' nyaffi we'weni na'wēy we'weni qui' wēse'tj trompeta's seena' sus tucani, sa' na'lj'c:

—Ay ēete myuj, cytee caavya'ja'lja'vatj naa e'su quījrra yuune'tjeva tyāaty.

²Tyā'jitspachja' tyāa dundtey Dyus Espiritu apjniitj yuuna pa'lj, sa' uytju cielute jycaajna ūsnisa's. ³Tyāa jycaajna ūsnite yu', teech cachrra u'pu'c, sa' cytee u'psa yu' iiméj seena' zhichcue zmeena' cuj jwend cjcjyina u'pu'c. Sa' tyāa peecu'jsu yu' cytjūus iiméj zhichcue cweetjna ūsu'c. ⁴Tyāa jycaajna ūsni pucasu yu' vite jycaajna ūsni veinticuatro ājtj ūsu', atsa' cysū yu' Dyus luuchtyi jycaajsa veinticuattrosaty u'pu', ropa chijme atjrra dyictjesu yu' vyuu bee corona ji'pjsa. ⁵Tyāa jycaajna ūsnijū yu', cpi'sh cueneni na'wēsac casejna ūsu' seena' susna, sa' jycaajna ūsni dyi'pte yu' siete ipy pqui'tanity bejna ūsu' tyāa yu' Dyus tashte ūssa siete espíritusawe'shtyi yu'. ⁶Tyāa dyi'pteyrráa mar na'wēsac zhichcue cjcjyina ūsu'.

Tyāa jycaajna ūsni pyājsu vite' peecu'jsu yu' Dyus vitnisa ityāsa pajnztyi ūsu', cacuete jyuca yafyrrarráa ji'pjsa. ⁷Tyāa pajnzsa nyafytewe'sha' león na'wēc yu'. E'stewe'sha' tulu na'wēc yu'. Tecjtewe'sha' nasa na'wēc dyi'p ji'pju'. Atsa' pajnzte'wē'sha' uj na'wēc fyuusa yu'. ⁸Tyāa Dyus vitnisa pajnzsa' teehsa na'wērraj seis fyu cu'taty ji'pju', sa' yafyrrarráa cacuete jyucaty ji'pjsa yu'. Tyāawe'sha' cus ma'c yuu en ma'c yuu nava bagachte yujva wajtymeety na'ljina ūsu':

Dyus iiméj seena' walasa,

Quij pcal yujva ji'pjmée iiméj seena' atesa,

Nyaffiiva tyāac yu', sa' āchva tyāaíírrá',

Sa' tyāaíírráa bagachteva nes yuuna jīnaty we'wena nes yu'.

⁹Sa' cytee jycaajna ūsnite cachrra bagachterrāa yujva uumée nes yuuwa'jsa's Dyus vitnisa tyā'wē tuutje'jna wechaatpcachja', ¹⁰Dyus luuchtyi jycaajsa veinticuattosawe'sha' bagachterrāa yujva uumée nes yuuwa'jsa tashte peejyūcuerra tyāawe'sh coronaty tyajy tashte qui'prra na'jīnaty wechana tuutje'je':

¹¹Cue'sh Dyus indy yuurráa jypa'gawa'jsang wechana tuutje'jni's,

Tyāa pa'gatey indyrraráang qui'nava jyuca vit,

Atsa' iindy peegyájrra taqui'jnissarraráa ūsta' jī'ty.

Libru's pjandewa'jsa

5 ¹Jycaajna ūsnite cachrra u'psa' patsu cuseju teech ets fi'jnisa atrra u'ptetj uy. Tyāa ets yu' ecaju dyiiju jyuca fi'jrra wala ew pelrra siete sello yacjcu apjni yu'. ²Sa' teech angel iiméj seena' chjāchjasa ūste uytju, tyāa yu' na'jīnac paapēyi' sus we'wena:

—Tyāa ets siete sello yacj apjnisa's ¿quim sunderra pjandeya' ājācy? jī'c.

³Nava cielutewe'sh, naa quiwetewe'sh, naa quiwe dyiijuwe'sh quimrrāa yujva tyāa etsa's pjandeya' ājāwa'jsameety yu', sa' tjengya'rrāa yujva ājāwa'jsameety yu'. ⁴Tyā'wē tyāa etsa's pjanderra tjengya'rrāa yujva ājāwa'jsamée yuupa'ga, andya' wala ū'nena ūsu'tj. ⁵Atsa' cytee jycaajna ūssa teechna' na'jī'c:

—Jwee yu' ū'nenu. Teech ūsa' Juda nwe'sh, jycaajsa David ji'tjewe'sh wala jytujtjesa tyā' ewmeesa's jyuca cnaycu, tyāa siete selloty sunderra etsa's pjandeya' ājāya' jī'c.

⁶Tyajū' jycaajna ūsni pyājte vite' Dyus vitni ityīsa pajnz ūsu'ty vite' Dyus luuchtyi jycaajna ūssawe'sh tyā'wēsawe'sh cshavyte Piishacuē na'wēsa yujurra ūste uytju. Tyāa yu' cpā'vitrra icjni sñalva ji'pju'c, sa' siete caachu siete yafycu ji'pju'. Tyāa siete yafy yu' na'wē Dyus tashte ūssa siete espirituty naa quiwete jyuca caajni yuuty tyāaty yu'.

⁷Tyajū' tyāa Piishacuē jīnisa' u'jrra jypa'gac na'wē jycaajna ūsnite u'psa' patsu cusete ets yaat yu'c tyāa etsna. ⁸Tyajū' tyāa etsa's jypa'gatspcachja', Dyus vitni pajnz ityīsa vite' Dyus luuchtyi jycaajsa veinticuattosawe'sha' peejyūcuety tyāa Piishacuē jīnisa tashte. Tyāa jycaajsaawe'sha' teehsa na'wērraj tucani arpa ji'pju'ty, sa' vyuu bee copava ji'pju'ty. Tyāa vyuu bee copasū yu' dyuus yatte cambnisa inciensorrará's uta ambnisa'styi ji'pju'. Atsa' tyāa yu' Dyusa's pechcanamée puuty we'wena ūsni jīnisac yu'. ⁹Sa' memtyi teech mem u'sesa na'jīna:

Indya' tyāa etsa's jypa'garra selloty sundeya' ājāwa'jsang,

Tyāa pa'gatey icjni yuurra iindy eeju cue'shtyi's weyngu

Maa nasa ma'wēsa, yuwe ma'wē we'wesa, mteewe'shva jyuca Dyus luuch yuuya' ājācain.

¹⁰ Sa' cue'shtyi's jycaajwa'lsang vitna pa'j vite' sacerdote cue'sh Dyus tashewe'sh,

Atsa' naa quiwete jycaajya' ājā'nja'w jī'ty.

¹¹ Tyajū' qui' tjengrra' wēse'tj angeleswe'sh iiméj seena' cujsa we'weni's. Tyāawe'sh yu' jycaajna ūsni peecu'jsu vite' Dyus vitni ityīsa vite' Dyus luuchtyi jycaajna ūssawe'sh peecu'jsuty ūsu'. Tyāawe'sha' iiméj seena' wala cuj yu'ty. ¹² Sa' na'jīnaty sus we'we':

Piishacuē na'wē icjni yuunisa's bagachteva pu'vitumée wechana tuutje'jna ūswa'ja'.

Sa' tyāarrarráa jyuca jypa'gawa'jsa', jycaajsa yuuwa'j, wala seena' ji'pjsa yuuwa'j.

Quijteva jyuca jiisa, iiméj chjāchjasa tyā'wē yuuwa'jsa' jī'ty.

¹³ Sa' Dyus taqui'jni cielutewe'sh, naa quiwetewe'sh, naa quiwe dyiijuwe'sh, martewe'sh cytee quijrraj ūstyna tyā'wēsa jyuca na'jīna we'weni'sva wēse'tj:

Wechana tuutje'jwa'ja' jycaajna ūsnite cachrra u'psa's vite' Piishacuē na'wē icjni yuuc tyā'sna.

Sa' jytujtje jycaajya' ājāwa'jsa' bagachteva jī'ty.

¹⁴ Atsa' tyā'jitspcachja', Dyus vitni ityīsa pajnzsa':

—Tyā'wē cytey yuuna jī'ty. Naapcachja' Dyus luuchtyi jycaajsa veinticuatroswa'sha' peejyūcuerra wechana tuutje'je'ty bagachterrāa yujva uumée nes yuuwa'jsa's.

Siete selloty sundeni

6 ¹ Tyajū' uytju Piishacuē jīnisa' siete sello nyafytewe'sha's sundetste, sa' wēse'tj Dyus vitni ityīsa teehsa' seena' sus na'jīna:

—Yujrra mtjeng jīni's. ² Atsa' tyā'wē wēse'jrra', tjengrra uytju teech jimba chijmesa's, cytee a'jsa yu' cusete ūpanisa arco yaasesa'scu ji'pju'. Tyajū' tyā'sa' teech coronac ūsni yuu, atsa' tyāa yu' quijteva jyuca puiiya' jiisac casej, mteeva puiirra cnaywa'jsa.

³ Tyajū' Piishacuē jīnisa' vite sello's sundec e'lstewe'shna, atsa' wēse'tj Dyus vitni ityīsa e'nzsatewe'sh na'jīna:

—Mtjeng jīni's. ⁴ Sa' uytju vite jimba bejsa casejetste, atsa' cytee a'jsa yu's jycaajnic yuu, naa quiwete wēt fi'nzeni's iiviitute nasaa pwe'sh puuty icjna u'cjan. Sa' teech espada waslac ūsni yuu.

⁵ Tyajū' Piishacuē jīnisa' vite sello's sundec tecjtewe'shna, atsa' wēse'tj Dyus vitni ityīsa tecjsatewe'sh na'jīna:

—Mtjeng jīni's. Atsa' uytju vite jimba cjūchsa's atsa' cytee a'jsa yu' cusete isanisa balansa yaasesa'scu ji'pju'. ⁶ Sa' wēse'tj Dyus vitni ityīsa cshavyu teech na'jīna we'weni's:

—E'nz libra scuutyjrráana teen mjíinite ájpa'ga tyweywal'j yuuna, sa' seis libra cebada'sva tyacuey pa'gate tyweywal'j yuuna. Nava aceite vino tyá'wësa yuutyi'sa' iviitupu'n jí'c.

⁷Tyajú' Piishacuë jínisa' vite selló's sundec pajnztewe'shna, atsa' wëse'tj Dyus vitni ítyísa pajnzatewe'sh na'jína:

—Mtjeng jini's. ⁸Atsa' tyá'wë wëse'jrra' tjengrra uytju teech jimba seena' úucjúucjsa's, atsa' cytee a'jsa yu' Icjsa jina cysusni yasec jí'pju'. Naapcachja' tyáa e'ste' uusaawe'sh yujuni jínisac vyaa. Tyáa jimbate a'jsa yu'sa' jycaajnic yuu naa quiwete nasaty puupyájn áatuw ícjcajn guerra vitrra wëjê caapa'ja'jrra weeva tyá'wëy caapa'ja'jrra yu'cj ech juuna'sava caapena'jrra.

⁹Tyajú' Piishacuë jínisa' vite selló's sundec tajstewe'shna. Atsa' Cristo's selpiipa'ga ícjni yuuty tyáawe'shrrarráa altal tashte ústetj uy. ¹⁰Sa' tyáawe'sha' na'jínaty sus we'we':

—Cue'shtyi jype'jsa atesa indya' quíjteva cytey yuusáa ¿macue tyach jytjéeyuuya'vanga, cue'shtyi ajtserra ícjtí tyáawe'shtyi castigáyya'? jíte', ¹¹pasrra':

—Áchjí yu' úuchcue uytjáсна jycaasena meswe, Cristo's selpiipa'ga í'cue'sh na'wëy ícjni yuuwal'j peejyta' tyáawe'shtyi cytey yuuna jyá'pjcach jírra', ropa chíjmesaty caatje'jni yuu.

¹²Tyajú' Piishacuë jínisa' vite selló's sundec seistewe'shna. Atsa' uytju seena' ejnd u'ljuetste seca' jyuca cjüch cájc cweetjmeepcach, a'teva jyuca ee na'wëc bej yuu. ¹³Naapcachja' cielute estrella' úshity naa quiwete, fytü yünva ma'wëta wejya chjächja quëese'tje jyuca úshi' tyá'wëty yuu. ¹⁴Atsa' cielu' ets na'wë jyuca pelni yuurra vyaame'. Naapcachja' tjá'j vits vite' íc j pyájsu quiwe u'psa jyuca upenity yuu ése'sete. ¹⁵Atsa' naa quiwete jycaajsawe'sha' wala úucjrra quiwe cafysu vite' cuet cafysu jyuca jysúutjtíy, walasawe'sh, jí'pjsawe'sh, npiistjé'jwe'sh, jytujtjesawe'sh, vite' patron cusete selpiina fi'nzesawe'sh vite' patron jí'pjmée wët fi'nzesawe'sh jyucaty tyá'wë yúu. ¹⁶Sa' tyá'wë yúurra tjá'j vits vite' cuet peñaty na'jínaty we'we':

—Cue'shtyi jyuca acaachrra caavya'jal'jnu na'wë jycaajna u'pa' tyajj dyi'pte, vite' Piishacuë jínisa seena' yuj castigáyya' úsa' tyá'wësa dyi'pte. ¹⁷Tyá'wëme', tyá'wë seena' castigáywa'j en ájc, atsa' ¿quim cyte' wantáyya' ájácy? jí'ty.

Israelita jí'jwe'sh iisawa'jniity yuu

7 ¹Tyáa e'su' pajnz angeleswe'shtyitj uy, tyáawe'sha' naa quiwe peecu'tje puuty pajnz ajtety yujurra úsu', naa quiwete pajnz ajü wejya casejsaty ca'ga'jmée yupna, naa quiwete, marte, yu'cjsu mtee yujva wejyacajmen. ²Sa' vite angel uytju tyáa yu' sec cáani ju'nguc yuj yu', Dyus ítyísa selló's atrra. Tyáa Dyus angela' suscu we'we

pajnz angeleswe'sh ūsu'ty naa quiwe vite' mar tyāaty suwwa'jsaty na'ljīna:

³—Naa quiwe, mar, yu'cj mtee yujva āchjī yu' suwnuwe, Dyusna selpisaawe'sh dyictjesu cue'sh iisawa'jmeyna yu' jī'c.

⁴Tyājū' wēse'tj Israelita jī'jwe'sh iisawa'jnisa jyuca yu' ciento cuarenta y cuatro miltiyi yu'. ⁵Judá jī'j, doce mil; Rubén jī'j, doce mil; Gad jī'j, doce mil; ⁶Aser jī'j, doce mil; Neftalí jī'j, doce mil; Manasés jī'j, doce mil; ⁷Simeón jī'j, doce mil; Leví jī'j, doce mil; Isacar jī'j, doce mil; ⁸Zabulón jī'j, doce mil; José jī'j, doce mil; Benjamín jī'j, doce mil; tyāawe'shtyi jyucarraj yu' tyanzcuēe yu'.

Maa nasava Dyus nwe'wenisawe'sh

⁹Tyāa e'su' qui' tjengrra' nasa iiméj wala kuj uytju. Tyāawe'sha' maa nasa ma'wēsa majūwe'shva jyucaty yu', yuwe fiyfiyrraj we'wesa. Sa' Piishacuē jīnisa jycaajna u'pni peecu'jsuty yujurra ūsu'. Tyāawe'shtyi' quim yujva isaya' ājāmeeta', iiméj wala kuj yu'ty tyāa pa'ga. Sa' ropa chijmesa atjrra cusesu yu' lamus etsnaty yaat yu'. ¹⁰Tyāawe'sh jyucaysa na'ljīnaty sus we'we':

Cue'sh Dyus jycaajna u'pa' vite' Piishacuē jīnisa tyāawe'sh yuurráaty ewte neeyūuwa'ja's ūs jī'ty.

¹¹Atsa' Dyus jycaajna ūsni peecu'jsu vite' Dyus luuchtyi jycaajsawe'sh peecu'jsu vite' Dyus vitni ityīsa pajnz ūsu'ty tyāa peecu'jsu angeleswe'sh yujurra ūssa' jycaajna ūsni ju'ngu quiwete pa'j quūitsjurra Dyusa's na'ljīnaty neewe'we':

¹²Wechana tuutje'jwa'ja' cue'sh Dyusa's.

Tyāarráa quījteva jyuca jiisa'.

Tyā' bagachteva chjāchjasa jytujte jycaajya' ājāwa'jsa' jī'ty.

¹³Tyājū' Dyus luuchtyi jycaajsa teehsa' na'ljīnac andya's pējy:

—Na'wē ropa chijme atjrra ūsta' tyāawe'sha' ¿quimtyna, sa' majū yuusatyana? jīte':

¹⁴—Tyāawe'shtyi' indyīrráa jiine'nga jīnatj pas. Atsa' tyā' na'wēc pta'sh:

—Tyāawe'sha' iiméj seena' wala nūste scjēwsaata', sa' tyāawe'sh atjni ropatyi's tjetjrra Piishacuē jīnisa icjni yuuc tyajy eete yaatesata'.

¹⁵Tyāasa Dyus jycaajna ūsni tashte ūsta', en ma'c yuu meerra' cus ma'c yuu nava bagachteva selpiina nes yuuwa'jsata'. Atsa' cytee jycaajna u'psa yacj ūssa' quījte yujva peejymée fi'nzetyana. ¹⁶Tyāa pa'ga tyāawe'sha' āchja' pytjaa yuumeetyana wēena yū'wēena. Sa' secteva chjavyna yaachana fi'nzemeetyana, ¹⁷tyāa pa'gatey Piishacuē jīnisa jycaajna ūsni cshavyte ūsa' tyajy jype'jni yuutyana. Sa' yu' bagachte yujva ptsuwa'jmeesa's yusni yuutyana. Atsa' Dyusí tyāawe'sh ū'neni yafy yu'tyi's cjujuna jī'c.

Sello sietetewe'sha's sundeni

8 ¹Tyajū' tyāa Piishacuē jīnisa' vite sello's sundec sietetewe'shna. Naapcachja' cielute quij yujva susmēe shuuna'c yuu, media ora ājpcach. ²Tyā'wē yūuni scjēwniijū' siete angeleswe'shtyi uytju Dyus tashte yujurra ūste, atsa' tyāawe'shtyi'sa' jyucaysaty tucani trompeta ūsnity yuu. ³Tyā'wē yuutspcachja' Dyus angel vite cūjc vyuu bee copa's attra, sa' altal tashtec yuju. Atsa' seena' wala ūsni yuuc tyāa vyuu bee copate ambrra cambwa'ja's. Tyāa yu'sa' vyuu bee altal ūsu'c jycaajna ūsni tashte cytee cambwa'cj yuu, Dyus luuch jyucaysawe'sh Dyus yacj puuty we'wetspcachja' cambcajn. ⁴Atsa' Dyus angel tyā'wē cambte', tyāa aj yu' Dyus tashte pa'cj tejca, Dyus luuch jyucaysawe'sh Dyus yacj puuty we'weni yā'jrra. ⁵Tyajū' tyāa Dyus angela' tyāa vyuu bee copate utac chjā'chja ipy jī'pjsa's āsh cytee altaltewe'shna, sa' tyā'wē yūurrac quiwe cajcuesu ēesu yajta. Atsa' tyā'wē yuutspcachja', cpi'sh seena' cwejnena sus we'wena, ejndva tyā'wēc seena' u'j.

Siete angeleswe'sh trompetaty tujcaya' yujuni

⁶Tyajū' tyāa siete angeleswe'sha' trompetaty tujcaya' yujuty.

⁷Atsa' Dyus angel nyafytewe'sha' tyajy trompeta's tujcac, naapcachja' naa quiwete cuetumba āshcu ee ca'ndnisa vite' ipy yā'jrra. Atsa' naa quiwe pyājn āatuwcu chjavy, yu'cjva tyā'wēy jyuca.

⁸Tyajū' Dyus angel e'nztewe'shva tyajy trompeta's tujcac, naapcachja' tjā'j vits wala na'wēsa ipyrrarrāac bejna ūsu' tyā'snac marte acjni yuu. Tyā'wē yuute', mara' pyājn āatuwcu eerrarrāa yuu. ⁹Atsa' cytee quijrraj ne'ta ityīsa ūsu' tyāa yu' jyuca uuty mar eerrarrāa yuunisatewe'sh yu'. Atsa' barcova pyājn āatuwtyi vitu.

¹⁰Tyajū' Dyus angel tecjtewe'shva tyajy trompeta's tujcac, naapcachja' cieluju teech estrella seena' walasa wetec ipyrrarrāa bejna. Yu'walasu vite' yu'le'chcuēsuva naa quiwete pyājn āatuwcu pēetjajna wete. ¹¹Tyāa estrella' Seenā Yaasac yaase yu', atsa' naa quiwete pyājn āatuwtyi yu'a' yaasarrarrāa yuu. Atsa' nasa' seena' wala uuty, tyā'wē yu' yaasarrarrāa yuupa'ga tundyya' ājāmeerra.

¹²Tyajū' Dyus angel pajnztewe'shva tyajy trompeta's tujcac, naapcachja' secva puupyājn āatuwcu cweetjmēe neeyūu. Atsa' a'te, estrellava tyā'wēyrrāaty puupyājn āatuw cweetjmēe neeyūu. Atsa' tyāa suwenisa yu' cweetjmeeta'. Atsa' en yu' wejcuē yuurrāac cjcjyina neeyūu, naapcachja' cus yu' jweeīrrāac seena' chji'ndysa yuu.

¹³Tyajū' tjengrra' uytju Dyus angel cielusu fyujna u'juetste seena' sus we'wena na'jīna:

—Dyus angel tecjsawe'sh trompeta's tucani susutspcachja', seena' yuj ūucjūucjsa yuuna naa quiwete ūssa yacja' jī'c.

9 ¹Tyajū' Dyus angel tajstewe'shva tyajy trompeta's tujcac, naapcachja' uytju cieluju estrella naa quiwete weteetste. Atsa' tyāa wetesa estrella's llavi's ūsnic yuu, cafy seena' dyiisatewe'shna. ²Tyajū' tyāa cafy seena' dyiisa's pjandec, naapcachja' orno walate aj na'wēc casej, sa' tyāa aja' jyuca nuychji'ndycu secna vite' ēesu jyuca. ³Tyāa ajte yu' cjā'shtyi casej naa quiwete jyuca fyujna. Atsa' tyāa cjā'sh yu' yājaya' ājāwa'jsaty yu', usmity ma'wēta aca yāja' tyā'wē. ⁴Nava naa quiwete fytū tash, jyūtj tash tsēysa yu'sa' quīj yujnava suwwa'jsameety yu', naasāa Dyus sello's dyictjesu maa yujva ji'pjmeesarrarrá'styi yājawa'jsa yu'. ⁵Nava nasaty icjwa'jsa yu' yu'tsmeeta', naasāa tajts a'te ājpcach seena' wala caaca'jwa'jsarráaty yu'. Sa' tyāa acasa yu' usmity yājani na'wē seena' aca yuuwa'jsaty yu'. ⁶Tyāa ensu' nasa' uuwa'ja's pacuerrava, uymeetyna. Macue uuwa'ja's pacueteva, tyāawe'shtyi' uu en pa'jmeena.

⁷Tyāa cjā'sha' jimbaty guerrate puiiya' u'juetsrra pjeu'jnisa na'wēty yu'. Dyictjesu yu' vyuu bee corona na'wēsaty ji'pju', sa' dyi'pa' nasaa dyi'p na'wēty yu'. ⁸U'y na'wēty ya'iindycjas yu', sa' tyāawe'sh qui'tja' león qui'tj na'wēsaty ji'pju'. ⁹Tyāawe'sh cacue yu' tsam na'wēsarrarrá'styi ya'iipjupj yu', sa' tyāawe'sh fyujatste susni yu' carretilla jimba wenzhnisa cujsa u'juetsrra ma'wē susucy tyā'wēty susu'. ¹⁰Sa' tyāawe'sh menz yu' usmity menz na'wēty yājawa'j ji'pju', nasaty yājara tajts a'te uta caaca'jwa'jsa. ¹¹Tyāa cjā'sha' teech ne'jue'sh ji'pju'ty, cafy seena' dyiite ūssa. Tyāa ne'jue'sha' hebreo yuwete yu' Abadoncu yaase yu', sa' griego yuwete' Apolioncu yaase yu' meerrava Iviitusa jīnisa.

¹²Tyajū' Juan we'werra':

—Nyafyte seena' ūucjūucjsa yu' scjēwcu, nava e'nzīi peejyta' jī'c.

¹³Tyajū' Dyus angel seistewe'shva tyajy trompeta's tujcac, naapcachja' Dyus tashte vyuu bee altal pajnz vitssu we'weni ptjūusec. ¹⁴Sa' Dyus angel seistewe'sh trompeta ji'pju'c tyā'sa' na'ljinac jycaajni yuu:

—Pajnz angeleswe'sh tundni ūsta' Eufrates yu'wala pucate tyāawe'shtyi' mityjwete jīna.

¹⁵Tyajū' tyāa angeleswe'shtyi'sa' tyjwetenity yuu, nasa naa quiwetewe'shtyi puupyājn āatuw icjcajn. Tyā'wē yūuwa'jsa ne'ta pjeu'jni ūsu', quīj ora, maa ente, quīj a'te, maa añute tyā'wē yuuwa'jsarrava tyāa en ājtewe'sh. ¹⁶Tyajū' tyāa jimba seena'su a'jsaty jiyutj. Tyāawe'sha' seena' wala cuj yu'ty, dos cientos millones.

¹⁷Na'wē jimba seena'saty uytju, atsa' tyāa jimbate a'jsa yu' puiiwa'j tyāawe'sh pechusu ya'pjupjnisa ji'pju'ty tecj jwend, teehsa' bej, vite' tsēy, vite' lemsa. Atsa' jimba yu' león na'wēty ya'iindyictjej yu', sa' yuwesu yu' ipy vite' aj vite' asufre tyā'wēsaty casejna ūsu'. ¹⁸Atsa' naa quiwete nasa puupyājn āatuwtyi uu, tyā'wē jimba yuwesu tecj jwend casejrra icjpa'ga. ¹⁹Tyāa jimba' yuweju vite' menzujty ewmée yūuwa'ja's

ji'pju'. Tyāawe'sh menza' ul na'wēty yu' dyictjé ji'pj, tyāasaty tyāaju icjya' ājā'.

²⁰Nava tyāa ewmeesa vyaaty tyāate uusaamée nasa yu' tyāawe'sh ewmée yūuna fi'nzeni's nvijtmeeta'. Echtjē'j jycaajni'sva pechcanamée nwēese'jna nestyi yu'. Sa' vyuu bej, vyuu chijme, tsam, cuet, fytū, tyāatytyi nasa na'wē piisarra neewe'wena nes yu'. Tyāa piisanisa' uysaavameeta', sa' wēse'jsavameeta', u'juya'va āja'tsmeeta'. ²¹Sa' icjna fi'nzeni'sva nvijtmeeta', sa' dyijyuuna, canzh pcal yuuna, pesweena tyā'wē yūunisatyva nvijtmeeta'.

Dyus angel cuseté libru ji'pjsa

10 ¹Tyājū' Dyus angel vite uytju seena' chjāchjasa cieluju tāapj pyājte quījatste, sa' dyictjete yu' cytjūuscu ji'pju'. Tyajy dyi'pa' sec na'wēc cweetje', sa' tyajy chinda yu' ipy na'wērrarráaty yu'. ²Cuseté yu' libru le'chcuesa'scu pjanderra ji'pju', sa' patsu chindaju yu' martec yuju, sa' jembu chindaju' quiwetec yuju. ³Tyā'wē yūurrac sus we'we león pembeerra ma'wē sus seena' pembeecy tyā'wē. Sa' tyā'wē seena' pembeetspcachja', siete cpi'sh we'wenic ptjūuse. ⁴Tyā'wē siete cpi'sh we'weni's jiyurra', fi'jya'vatj yu'. Nava cielujū na'jīna we'weni'stju wēse'j:

—Tyāa siete cpi'sh we'wenity jiyung tyāatyi's quim yujtyva pta'shna fi'jnu jī'c.

⁵Tyājū' tyāa Dyus angel marte vite' quiwete yujurra ūssa' patsu cuse's cielute quisrra ⁶jurāycu bagachte yujva uumée ityī fi'nzewa'jsa na'wē quījquījtyva jyuca vitcu tyajy yase's cysusrra na'jīna:

—Āchja' jwee yu' jytjēyuumēena. ⁷Dyus angel sietetewe'sh tyajy trompeta's tujcaya' tacjetspcachja', nmej ente ma'wē yūuwa'ja's ne' Dyusa' pjeu'jrra ji'pju' tyā' jyuca cytey yuuna. Sa' Dyus yuwe's pta'shna selpisaawe'shty ma'wēne' pta'sh tyāa yu' jyuca cytey yuuna jī'c.

⁸Cielujū we'werra' etste cuch fi'jnu jīc tyā' qui' we'wec andy yacj na'jīna:

—Dyus angel na'wē patsu chinda's marte tyajrra vite chinda's quiwete tyajrra ūssa' cuseté libru ji'pja' tyāa libru's jypa'gaya' me'j jīte', ⁹Dyus angel tashte utyaarra tyāa libru's pējytju. Atsa' na'jīnac pta'sh:

—Jypa'garra mē'. Nava iindy yuwete yu' mil na'wē ñusha pēetjēena, naapcachja' iindy tutyjte yu', wala seena' yajana jī'c.

¹⁰Tyājū' Dyus angel cuseju jypa'garra libru's ū'tj, atsa' andy yuwete yu' mil na'wēc ñusha pēetjēej, nava andy tutyjte yu' seena' wala yaac.

¹¹Tyājū' na'jīnac jycaaj andya's:

—Na'wē Dyus caajiyu'cj tyā'sa' pta'shya' qui' u'juene'nga, chjaamb iisa, nasa msuuwe'shva, fiyfiy we'wesa, jycaajsawe'sh tyā'wēsaty jī'c.

E'nz pitstjē'j Dyus yuwe's pta'shya' caajnisá

11 ¹Tyajū' isani cīj ūsrra na'wēc jycaaj:
 —Dyuus yat vite' altal tyāa macueteva jiyuya' miisa, sa' Dyusna neewe'weya' cytee u'casa maanzcuēeteva jiyuya' miisa. ²Nava Dyus yatte patyu ecajuwe'sh yu'sa' isanu. Tyā'wēme' tyajuwe'sha's vite nasatycu ūsni yuu, atsa' tyāawe'sha' jyuca suwuutyna Dyus chjamb atesa's cuarenta y dos a'te ājpcach. ³Naapcachja' andyna selpisáa e'nz cajú'nja, andy yuwe's mil doscientos sesenta en ājpcach pta'shna ūscajn. Tyāawe'sha' nasa uute űnsna atjnisa ropa cjúchsa ji'pj yuutyna.

⁴Tyāa e'nzsawe'sha' e'nz olivo fytū tash ūsu'ty tyā'wēsata', vite' bela tyaajni e'nz ūsu'ty naa quiwete Dyus tashte tyā'wēsáírráata'. ⁵Tyāawe'shtyi' maái yu' pcyuu wējēváatyna, nava tyāawe'sh yuwesu ipy casejrra jyuca cambuna atsesawe'shtyi's. Atsa' tyā'wē yūute', maava pcyuu wēesa' uu en ji'pjutyna. ⁶Atsa' tyāa selpisaawe'sha' cielu's apjya' ājāwa'jsata', Dyus yuwe's pta'shwa'j en ptsuupcach nus pa'cjamen. Sa' yu'a'sva eerrarráa vit-ya' ājārra seena' wala cyūusu'jwa'jsata' naa quiwete quīj weeva nuypa'jna, tyāawe'shtyi ma'wē yūuwechteva tyā'wē yūutyna. ⁷Nava tyāawe'sh mjīia's jyā'jatspcachja', ech iiméj seena'sa cafy seena' dyiijū cájrra tyāawe'shtyi puiirra cnayrra icjena. ⁸Tyāawe'sh uuní cacue's na'wē cue'shtyi jype'jsa cluuste uuc tyāa chjamb wala cllicjunsu wāataani yuutyna. Tyāa chjamba's Sodoma vite' Egipto na'wēsa' jí'ty. ⁹Atsa' tecj en ēepyāj ājpcach nasa maa chjambuwe'sh, ma'wēsa fiyfiy we'wesa, maa quiwejuwe'shva jyucasa tyāa uuní cacueti's uyuutyna, nava caapenda'j yu' meetyna. ¹⁰Tyajū' nasa naa quiwetewe'sha' seena' wala wechaatyna tyā'wē uupa'ga, sa' tyā'wē wechaweete tyāawe'sh ji'pjuni's puuty peesutyna. Tyāawe'sh yacj yu' iiméj seena' wala ewmeesa na'wēsa yuutyna tyāa e'nz pitstjē'jsa Dyus yuwe's pta'shna ūssawe'sha', tyāa pa'ga uute' wala wechaatyna. ¹¹Nava uuní tecj en ēepyāj scjēwniijū', Dyusa' ityī vitcu atsa' qui' quiitety. Tyā'wē yūute', iiméj seena' wala ūucjtyi jyucaysa uyna ūssawe'sha'. ¹²Tyajū' tyāa e'nz selpisaawe'sha' wēse'jty seena' sus we'weni cielujū na'ljina:

—Ayte cielute ēete myujwe jitspcachja', tāapj pyājte u'jrra cielute tejcaty, tyāawe'shtyi atsesawe'sh uyna ūste. ¹³Tyā'wē yuutspcachja', seena' wala ejnd u'jrra tyāa chjamba's ma'wē yu' suwrra eyj jyūna u'cj, atsa' siete mil nasaty uu tyāa ejnd u'pja'ga. Tyā'wē yūute', nasa neeyūusa' iiméj seena' wala ūucjrra Dyus cielute ūssa's pytjaa we'wena tuutje'jty.

¹⁴Tyajū' Juan we'werra': Seená ūucjúucjsa e'nztewe'sh yu' scjēwcu, nava jytjēyuumēena tecjtewe'shva jí'c.

Trompeta sietetewe'sh

¹⁵Tyajū' Dyus angel sietetewe'shva tyajy trompeta's tujcac, atsa' seena' sus we'wenisa ptjūuse'ty cielujū na'ljīna:

Naa quiwete jycaajna ūsnisa' jyuca cue'sh Tata vite' tyajy Tyjityjnisa Cristo tyāawe'sh jūrrarráaty yuuna pa'j.

Atsa' āchja' tyāarrarráa jycaajana bagachteva jīnaty we'we.

¹⁶Tyajū' Dyus luuchtyi jycaajsa veinticuatroawe'sh Dyus jycaajna ūsnite ūssa' quiwete quīitsjurra Dyusa's neewe'wety na'ljīna:

¹⁷Cue'shtyi jype'jsa indya's wecha'tja'w, Dyus iiméj seena' walasang. Indya' nyafīiva indyīrráang yu', sa' āchva tyāāfīrráang, sa' bagachteva indy yuurráa nes yuuwa'lsang.

Tyāa pa'gatey quījiteva jyuca ājāwa'ja's indyrrarráa ji'pjngu, Tyāasa āchja' jycaajna ūsngu.

¹⁸Naa quiwete nasa' indya's ajtsety, nava tyāawe'shtyi castigāywa'j ena' ājc.

Atsa' tyā'wēy uusaawe'shtyiva castigaīne'nga.

Sa' walasa ma'ty yuu meerra' le'chcuesa ma'ty yuu nava indy yacj tyutemée fi'nzerra iindy yase's atsewe'wesameewe'shtyi' deweene'nga ew yūuna iindy yuwe's pta'shna selpiina fi'nzepa'ga. Naapcachja' naa quiwete suwna ūssawe'shtyi's ca'tu' iviitune'nga jīnaty we'we.

¹⁹Tyajū' cielute Dyus ūsni pjatec, atsa' na'wē Dyusa' nasa yacj puuty we'wec tyāa puuty we'weni's fi'jrra cajate jyaawni yuuc tyāa caja' vyaac. Naapcachja' cpi'sh cwejnerra seena' suscu cuetumba seena' wala āshna, atsa' ejndva u'cj.

U'ya's ech seena'sa icj wēeni

12 ¹Tyajū' ēe walaju na'wēc seena'sa vyaa: teech u'y tyajy cacuete yu' seccrarráa ji'pjsa a'tete yujurac ūsu', sa' dyictjete yu' teech corona doce estrella ji'pjsa'scu ji'pju'. ²Tyāa u'ya' nasatec ātsā'ats yu', sa' seena' wala pytjaa yacana pembe'c.

³Tyāa e'su' ēe walaju qui' vite na'wēc vyaa: ech bejsa iiméj seena'sa siete dyictjé ji'pjsa, diez caachuc ji'pju', sa' dyictjé iisa teech coronac ji'pju'. ⁴Tyajy menzu yu' estrellaty puupyājn āatuwcu suwrra naa quiwecjē pūsh. Sa' tyāa ech seena'sa yu' u'y nasa casejya' ūsu'c tyāa yatstec ūytjasna yuju, nasa casejtspcachja' luucha's ū'ya'. ⁵Tyajū' tyāa u'ya' teech luuch pijtsu ji'pju, tyāac naa quiwete jyuca jycaajwa'jsa yu' iiméj wala juuna'. Tyajū' tyāa luucha's cusa'jrra, Dyus jycaajna ūsnitec jyūna u'jni yuu. ⁶Atsa' tyāa u'ya' nasa u'pnimée quiwetec ūpjna u'j, tyāa jīi Dyus pjeu'jrra ji'pjune' cytee ūsya'. Cytee pa'tje', mil doscientos sesenta en ājpcach sāl'jīni ūswa'jsa'.

7Tyāa e'su' cielute puiiwa'cj u'pu', atsa' Dyus angel npiitstjē'jsa Miguela' tyajy angeleswe'sh yacj puuity ech seena'sa yacj. Atsa' ech seena'sava tyāa yacj ūssawe'sh yacj casejc puiiya'. 8Nava echa' cnayme', sa' tyāawe'sha' cielute ūswa'lj ji'pjmeety neeyūu. 9Tyāa pa'ga ech seena'sa's ecaju wāataanic yuu, tyāa'ic tyāniitey ul jīnisa yu', naa quiwetewe'sh jyucaysaty īshūina caypumba'jsa Echtjē'cj yaase yu'. Tyāa echtjē'lj vite' tyāa yacj ūssa jyucaysaty naa quiwecjē wāataanity yuu.

10Tyajū' cieluju sus we'wena na'jīni'stju wēse'lj:

—Ewte neeyūuwa'lj en pa'cj, cue'sh Dyus tyāarrarrāa jycaajwa'lj en vite' Dyus tyjityjnisa Cristova tyā'wēy jycaajwa'lj en. Tyāa pa'gatey cue'sh yacjtjē'ljwe'shtyi ewmeesata' jīna pāatyjī'cjna ūssa's ecaju wāataanic yuu, tyāa'ic bagachteva pu'vitumée nes yu' cue'shtyi pāatyjī'cjna.

11Tyā'wēteva, cue'sh yacjtjē'ljwe'sha' ech ewmeesa's cnaytyi, na'wē Piishacuē jīnisa icjni uuc tyajy eeju vite' tyajy caapiya'jni's pu'vitumée pta'shna fi'nzepa'ga. Tyāawe'sha' Cristo's selpiipa'ga uu en pa'tjeva tyā'sa' ūsmée uuya'rrāaty ūsu'. 12Tyā'wē ewmeesa's cnaypa'ga wechwecha miiyajcywe, cielute fi'nzesawe'sh jyuca. Nava seena' yuj wala ūucjūcja' naa quiwete mteewe'shva jyucaysa yacja'. Tyā'wē ūucjūcuj yuucajnīi echtjē'ja' i'cue'shtyi pcyuuya' quīj seena' wala ūusachana, sa' cuj enmée ūswa'ja's jīia' tyāasa tyā'wē ūusachana ūsa'.

13Sa' tyāa ech seena'sa' quiwecjē wāataani yuurra', tyāa u'y luuch ji'pjusa's icjya' pacuec. 14Nava tyāa u'ya's uuj wala fyu cu'ta na'wēsa's ūsnic yuu, ech seena'sa tashu iyuna u'jrra nasa u'pnimée quiwete tyajy ūswa'tje fyujna u'cjan, cyteea' tecj añu pyājtepcach sāl'jīnic fi'nzewa'jsa yu'. 15Tyajū' tyāa echa' yuwesuc yu' nuysēj, yu'a's seena' wala nuywalaarra tyāa u'ya's yu' jyūna u'cjan. 16Nava tyāa ech yuwesu yu'sēesa's quiwe' jyuca chanzharra tyāa u'ya's nwe'wec. 17Tyā'wē yūute', tyāa ech seena'sa' tyāa u'ya's jwee'irráac seena' wala ūusacha. Sa' tyāa u'y ji'ljwe'sh yacj puiiya'c u'lj Dyus jycaajnityi's nwēese'jna Jesucristo caapiya'jni's jypumbamée nwēese'jsawe'sh yacj.

E'nz ech seena' ūucjūcjsa

13 1Tyāa e'su' mar pucatej yujurra ūsu', sa' uytju ech seena' canzh ūucjūcjsa mar pyājū casejetste, sa' siete dyictjē ji'pjrra diez caachuc ji'pju', caachu iisa teech coronac ji'pju'. Sa' tyāa dyictjesu yu' Cristo's seena' canzh atsewe'wenac fi'jni yu'. 2Tyāa ech seena' canzh ūucjūcjsa' tyicli na'wēc jycajcue yu', chinda yu' oso na'wēty yu', sa' yuwe yu' león na'wēc yu'. Atsa' echtjē'ja' tyāa ech seena' canzh ūucjūcjsa's quīj yūuya'va ājāwa'ja's ūsrra tyajy jycaajna ūsni'sva ducjcu, sa' quījteva jyuca pu'chya'c neeyūu. 3Tyāa ech seena' canzh ūucjūcjsa dyictjē teehsa yu' uupchājc cpā'yuuuni yu', nava tyāa cpā' yu' wēetnityā'cj yu', atsa' naa quiwete nasa jyucaysa tyāa ech seena'

canzh ũucjũucjsarrá'styi wechana utyaarra neewe'we. ⁴Sa' echtjê'ja'sva wechana neewe'wety, tyã'wě ech seena' canzh ũucjũucjsa's jycaajwa'jsa vitrra qui'ppa'ga. Sa' ech seena' canzh ũucjũucjsa yu'sa' na'jĩnaty neewe'we':

—¿Quim naa na'wěy seena'sa ũsqui, sa' quim tyãa yacj puiiya' chjächjacy? jĩ'ty.

⁵⁻⁶Sa' ech seena' canzh ũucjũucjsa's cwe'we'l'nic yuu, Dyusa's wěshuuna atsewe'wecajn. Atsa' cytey yuurra, Dyusa's wěshuurra atsewe'wena Dyus ũsni'sva atsewe'wec, cielute ũssawe'shtyiva tyã'wěycu atsewe'we. Sa' tyãac jycaajwa'jsa yuu cuarenta y dos a'te äjpcach. ⁷Sa' Dyus luuchtyi ajtserra guerra'sva vit caajnic yuu cnaypcach. Tyãasac naa quiwete jyucaysawe'shtyí jycaajwa'jsa yuu, nasa ma'wěsava maa chjambuwe'shva fiyfiy we'wesava jyucaysaty. ⁸Atsa' na'wě Piishacũ jĩnisa icjni yuuc tyã' libru ji'pja' bagachte yujva uuwa'jsamée yasety fi'jni, atsa' naa quiwetewe'sh jyucaysa tyãawe'sh yase's naa quiwe's vitiynarráa yujva tyãa librute fi'jnimeesa' jyucaysa tyãa ech canzh ũucjũucjsa's neewe'wety.

⁹Tyãa ente' na'wě seena' yuutyna tyã'sa' mwěese'jwe: ¹⁰Nasaty preesu'jsa' tyãawe'shva preesu'jni yuutyna. Atsa' nasaty cchilluj icjsa' tyãawe'shva cchilluj icjni yuutyna. Tyãa pa'ga Dyus luucha' Dyus yacj yuurráa chjächja fi'nzewal'ja's ji'pjuwal'j peejyta'.

¹¹Tyãa e'su' vite ech seena' canzhsa quiwe dyiijũ cäjatste uytju. Tyã' piisháa caachu na'wěsa e'nzcu ji'pju', nava tyãa ech seena' canzh ũucjũucjsa na'wěycu Cristo's atsewe'we'. ¹²Sa' ech canzhsa nyafytewe'sh na'wěy jycaajya' äjāwa'ja'scu ji'pju', tyãasac naa quiwete nasa jyucaysaty jycaaja', ech na'wě dyictjete cpā' seena'sa ji'pjurrava wēetcu tyã'sna neewe'wecajn. ¹³Sa' quĩjquĩjva seena'sa'sva caavya'ja'jya' äjā'c, cielujũ ipy wala seena'sa caaquĩjij'jna naa quiwete nasa uyna ũste. ¹⁴Ech canzhsa nyafytewe'sh tashte seena'sa's caavya'ja'jya' äjārra, naa quiwete nasa jyucaysaty caypumba'cj Dyus yuwe pta'shsa na'wě quĩjva caavya'ja'jrra. Sa' seena' dyictjete cpā' ji'pjrrava uumée chjächjac tyãa na'wěysa piisacaacj ityĩmeesa. ¹⁵Sa' ech canzhsa quiwe dyiijũ cāasa' tyãa piisanisa ityĩmeesa's ityĩ vit-ya' äjāwa'ja's ji'pju'c. Atsa' tyãa ityĩ vitnisa's neewe'wesamée yuutyi'sa' quiwe dyiijũ cāasa echa' quicje'jwa'jsac yu'. ¹⁶Tyajũ' ech quiwe dyiijũ cāasa' na'wēc yũu jyucaysaty: le'hcuesa, walasa, ji'pjsa, ji'pjmeesa, patron ji'pjsa, patron ji'pjmeesa, teeche yujva nvijtmée jyucaysaty iisawa'cjaacj patsu cusete meerrava dyi'pte. ¹⁷Sa' tyãa ech quiwe dyiijũ cāasa yaseju iisawa'jni's meerrava tyãa yase numero's ji'pjmeesa yu', quĩj yujva weyya' äjāmeetyna, sa' tyweyya'va äjāmeetyna maa yujva. ¹⁸Sa' tyãa ech canzhsa numero' cue'sh jiyunisa'. Atsa' tyã'sa' jiyuwa'jsa ũsrra', ũus miiyajcywe: tyãa numero' seiscientos sesenta y seisa'.

Ciento cuarenta y cuatro mil nasa memniisa

14 ¹Tyāa e'su' uytju Piishacuē jīnisa Sion tjā'j vitste yujurra ūste. Tyāa yacj vite ūsu'ty, ciento cuarenta y cuatro mil nasa, tyāawe'sh dyictjesu yu' Piishacuē jīnisa yase vite' tyajy Tata yase'sh ji'pjsa. ²Tyajū' cielujū susni ptjūusec yu'wala cujsa susni na'wē vite' cpi'sh chjāchja we'weni na'wē susni, iiméj wala cujsa tyāawe'sh arpa tucani na'wēc ptjūuse'. ³Tyāa nasa' mem u'sesaty memu', Dyus jycaajna ūsni vite' Dyus vitni ityīsa pajnzsave'sh vite' Dyus luuchtyi jycaajsawe'sh tyāawe'sh tashte. Tyā'sa' quim yujva piyaya' āja'tsmeeta', naasāa naa quiwetewe'sh cshavyu ewte neeyūsāa ciento cuarenta y cuatro mil tyāawe'sh yuurráaty ājā'. ⁴Tyāawe'sha' Dyus yuurráana selpiina fi'nzesaty yu', sa' tyāawe'sha' nasaa cshavyu nwe'wenity yuu Dyus jīi vite' Piishacuē jīnisa tyāa jīi yuuwa'jsa, nyafyte nwe'wenisa. Tyāasaty Piishacuē jīnisa icjni yuuc tyāa mtee u'tjeva tyāa yacj ja'nda u'jue'. ⁵Sa' quījrrāa yujva ishīisa yu'tsmeeta', sa' Dyus jycaajna ūsnite quīj pcal yujva ji'pjmée ūsta'.

Dyus angeleswe'sh tecjsa pta'shya' casejni

⁶Tyajū' Dyus angel fyujna u'juetstetj uy ēe walasu. Sa' ewte neeyūunisa bagachte yujva ptsuwa'jsame's pta'shwa'ja'scu ji'pju' naa quiwetewe'sh mtee mteewe'shtyiva, nasa ma'wēsa, fiyfiyrrāa we'wesa, maa chjambsuwe'shtyiva jyuca. ⁷Sa' na'jīnac sus we'we':

—Dyusa's mtuutje'jwe ūucjna. Tyā'wēme' jyucaysaty castigāywa'j ena' ājyā'cj. Mneewe'wewe' cielu, quiwe, mar, yu', quījquījnava jyuca vit-sa's jī'c.

⁸Tyajū' Dyus angel vite na'jīnac sus we'we':

—Babilonia chjamb tyacue chjāchjasarrava, Dyus castigo's jypa'gawa'tje yā'j ūsa'. Tyā'wē yuucajní naa quiwete nasa mteewe'shtyiva jyucaysa pcal canzhte fi'nzewa'ja'scu caapiya'j naa pa'ga jī'c.

⁹Tyajū' Dyus angel tecjtewe'shcu na'jīna sus we'we':

—Maava ech seena'sa vite' tyāa na'wēy piisani yuuc tyāaty neewe'werra, tyajy iisawa'jni's caaqui'pu'juna dyi'pte meerrava cusete na', ¹⁰tyā'wē yūsua' Dyus castigo seena' nussa's jypa'gatyna tyā'wē yūupa'ga. Sa' seena' yuj castigāyni yuuna asufre ipy walate, Dyus angeleswe'sh vite' Piishacuē jīnisa icjni yuuc tyāawe'sh dyi'pte. ¹¹Castigāyni ipy wala aja' bagachte yujva psumée shi'tana nes yuuna. Atsa' cyteea' en ma'c yuu cus ma'c yuu nava bagachte yujva jycaasewa'ja's ji'pjumeetya, tyā'wē ech seena'sa vite' tyāa na'wēy piisani yuuc tyāaty neewe'werra tyajy yaseju iisawa'jni's caaqui'pu'pja'ga. ¹²Tyāa pa'ga Dyus luucha' tyajy jycaajni's cytey nwēese'jna Jesus yacj yuurráa chjāchja fi'nzewa'ja's ji'pjuwa'j peejyta' jī'c.

¹³Tyajū' qui' wēse'tj we'weni cielujūwe'sh, tyā' andya's na'jī'c:

—Naa scjēwniijū Cristo's jypa'garra uusaawe'sha' wala yuj wēt̄wēt̄ fi'nzesa yuutyna jīni's mfi'j jīte', Dyus Espiritu pasrra': Tyā'wē yuja', tyāawe'sha' jycaaseetyna Dyusna selpiina pytjaa yuuna fi'nzenijū, sa' cielute uyuutyna tyāawe'sh mjīni's jī'c.

Scuutyj uvaty pcjajni

¹⁴Tyajū' tjengrra uytju tāapj chijme cajcuete nasa yuusāa na'wēsac teech cachrra u'pu'. Dyictjete vyuu bee coronac ji'pju', sa' cusete yu' scuutyj wacani zecsa'scu ji'pju'. ¹⁵Cielute Dyus ūsnijū vite angel sus we'wena casejc tāapjte cachrra u'psa's na'jīna:

—Scuutyja's wacarra mepcjaj. Tyā'wēme' jyuca tjē'cj atsa' pcjajwaj' en ājc jīte', ¹⁶tāapjte cachrra u'psa' naa quiwete scuutyja's wacarra jyuca pcjajcu.

¹⁷Tyajū' cielute Dyus ūsnijū vite angelva casejc uva undeni zecsa's atra. ¹⁸Naapcachja' Dyus altaluj vite angel casejc tyā' ipya's caajwa'jsac yu'. Sa' uva undenisa's ji'pjsa's na'jīnac sus we'we:

—Uva's ujderra mepcjaj. Tyā'wēme' jyuca tjē'jni yā'j ūsta' naa quiwete jīte', ¹⁹Dyus angela' naa quiwete uva's jyuca ujderra pcjajcu, sa' teech ajterrarrāac jyuca āsh cytee cu'sya'. Tyāa yu' Dyus castigo' na'wē seena' yuuwa'jsa' jīnisac yu'. ²⁰Tyāa uvatyi's chjamb ecajc cu'sni yuu, atsa' eerrarrāac uwu jimba frenusu cājpcach, tres cientos kilómetro peecu'jsu pcachcu tyā'wē uta.

Dyus angeleswe'sh siete castigoty ji'pjsa

15 ¹Vite seena' ūucjūucjsa cielute uytju: siete angeleswe'sha' siete castigo's pta'shsaty yu'. Tyāa siete castigosa' nmejsaty yu' Dyus castigo.

²Mar ipy ca'ndni na'wēsa zhichcue speeju na'wē cjicjyna ūste uytju. Atsa' ech seena'sa vite' tyāa ech na'wēy piisani yuuc vite' tyajy yase numero tyā'wēsaty nwēese'lsameewe'sh yu' tyāa mar pucate yujurraty ūsu', tucani arpaty Dyus ūscu tyāaty atra. ³Sa' Dyusna selpisāa Moises mema's memu'ty, vite' Piishacuē jīnisa'sva wechana memu'ty na'jīna:

Dyus, quījteva jyuca ājāsa,

Seena' yuj wala pu'chngu quījteva jyuca.

Naa quiwete jyuca jycaajsa iindy mjīni' jyuca ewrrarrāata'.

⁴Cue'shtyi jycaajsang atsa' ĳindya's quim ūucjmée yuucy?

Sa' ĳquim indya's tuutje'jmée yuucy?

Indy yuurraā pcal ji'pjmée atesang, atsa' maa quiwejuwe'shva jyuca indyrrarrā's neewe'wetyna,

Tyāa pa'gatey indy ew yūunisa' āatec yuu jīnaty memu'.

⁵Tyā'wē yūunijū' qui' vite uytju, cielute Dyus ūsnite Dyus leytyi jyaawni vity pjateetste. ⁶Atsa' tyāa Dyus ūsnijū yu' siete angeleswe'shtyi

casej, siete castigo seena'saty jyūrra. Tyāawe'sha' atjni ropa ate cuentetesaty ji'pju'. Sa' jytundnisa yu' vyuu bejrrarráa pechun cājsaty ji'pju'. ⁷Tyajū' Dyus vitni ityāsa pajnzatewe'sh teechna' vyuu bee copa ūscu teechna na'wērraj tyāa siete angeleswe'shtyi. Cytee yu' castigo seena'sarrarráa utaty ji'pj yu' Dyus bagachteva nes yuuwa'jsa caajni. ⁸Atsa' tyāa Dyus ūsnite yu' jyuca ajrrarráa utac, Dyus quijteva jyuca ājāwa'jsa tashu yuusac yu'. Atsa' cytee yu' quim yujva u'caya' ājā'tsmeeta', siete castigo siete angeleswe'sh ji'pju'ty tyāa ptsumeyna yu'.

Siete copa Dyus castigo's ji'pjsa

16 ¹Tyajū' siete angeleswe'shtyi na'jīna sus we'weni wēse'tj Dyus ūsnijū:

—Dyus caajni castigo seena'saty siete copate ji'pji'cue tyāaty me'jwe pcawya' quiwete jīte', ²Dyus angel nyafytewe'sha' u'jrra tyāa copatewe'sha's quiwete pcawcu. Atsa' tyā'wē yūute', nasa jyucaysa ech seena' canzhsa vite' tyāa ech na'wēy piisani yuuc tyāaty neewe'wesawe'shtyi's cacuete wā'jy seena' acasa pa'cj.

³Dyus angel e'stewe'sha' tyāa copatewe'sha's martec aw, atsa' tyāa mara' nasaa ee na'wērrarráac yuu jyuca. Tyā'wē yūute', tyāa marte ūssa ityāsa jyuca uuty.

⁴Tyajū' Dyus angel tecjtewe'sha' tyāa copatewe'sha's yu'walasu vite' yu'le'chcuēsu cysūuc aw, atsa' yu' ma'wēsava jyuca eerrarráaty yuu.

⁵Tyajū' Dyus angel yu'a's tjengsa' na'jīna we'weni'stju wēse'j: Dyus, nyaffiiva indyngu yu' sa' āchva tyāaírráang, Dyus atesa. Tyāasang tyā'wē castigaí'. ⁶Iindy yuwe's pta'shpa'ga ajtserra indy yacj fi'nzesawe'shtyi ee pcawtyi, tyāa pa'gang tyā'wē yūusatyi's ca'tuva ee yusu'. Tyāawe'sha' castigo's jypa'gawal'j ji'pj yujta' jī'c.

⁷Naapcachja' Dyus altaluj na'jīna vite we'weni'sva wēse'tj:

—Dyus quijteva jyuca ājāsa indya' peecyrráa castigaímée, isang castigaí' jīnic ptjūuse.

⁸Tyajū' Dyus angel pajnztewe'sha' tyāa copatewe'sha's sectec aw. Tyā'wē yūute', seca' nasaty iiméj wala acha cweetjcajncu tyā'wē yuu.

⁹Atsa' jyucaysa iiméj seena' wala chjavytyi. Nava pcala's nvijtrra Dyus tashte yu' shawendmeeta' tyā'sna neewe'weya'. Tyā'wē Dyusna yaaquipcachte, jweeírráaty tyā'sna atsewe'we' tyā'wē seena' castigāyya' ājāsa's.

¹⁰Tyajū' Dyus angel tajtstewe'sha' tyāa copatewe'sha's ech seena' canzh ūucjūucjsa jycaajna ūsnitec aw, atsa' tyāa jycaajna ūsni quiwe' chji'ndyterrác yuu. Tyā'wē seena' yuute', nasa' ūuschaniite tjune's ya'wa'qui'ty castigo tyacue seena'sa pa'pja'ga. ¹¹Macue tyā'wē yuuteva, tyāawe'sh ewmée yūuna fi'nzeni yu'sa' wej yujva iviitu'tsmeeta'. Tyā'wē wā'jy seena' acasa pa'tjeva, jweeírráaty cielute Dyusa's atsewe'we'.

¹²Tyajü' Dyus angel seistewe'sha' tyã copatewe'sha's Eufrates yu'walatec aw. Atsa' tyã'wë yüute', tyã yu'wala' ujnodycu jycaajsawe'sh sec cãani ju'ngu yuusa uycjëwya' äjácajn.

¹³Tyajü' na'wësatj vite uy: Echtjê'j yuwejü vite' ech seena' canzhsa Cristo's atsewe'wesa yuwejü vite' ech canzhsa Dyus yuwe pta'shsa na'wë quíjva caavya'ja'jrra caypumba'jsa yuwejü tecj echtysi casej sap na'wësa. ¹⁴⁻¹⁶Tyã ech sap na'wësa yu' quíjquíjva seena'saty caavya'ja'jya' äjã'ty, sa' tyãawe'sha' naa quiwete jycaajsa jyucaysaty pcjacya' u'jty, nmej ente Dyus tyacue chjächjasa yacj puiiya' süjrra. Sa' jycaajsawe'sh jyucaysaty pcjacytyi hebreo yuwete Armagedón jì'ty teech ajte cytee. Cristo we'werra': Yajcymée üsiyna, peswée na'wërráa pa'ja'nja, atsa' tyã ente tjaamena üsya'mée, Dyus yacj tyutemée fi'nzesa' wala yuj wëtwët neeyüutyna jì'c.

¹⁷Tyajü' Dyus angel sietetewe'sha' tyã copatewe'sha's ëesuc pcaw, naapcachja' Dyus üsni cielujü na'ljínisac sus we'weni ptjüuse tyajy jycaajna üsnijü:

—Na' Dyus castigo nmejtewe'sha' jì'c.

¹⁸Tyajü' cpi'sh cwejnena we'weni seena' suscu, atsa' ejnd iiméj seena' chjächja u'cj, naa quiwe yuuiyna bagachte yujva tyã'wë yu' ejnd chjächja u'juetsmeene'. ¹⁹Tyã'wë ejnd u'pja'ga naa quiwete chjamb jyuca ptsuuty. Atsa' chjamb iiméj seena' walasava tecj ajsuty upe. Atsa' Dyusa' yajcycu Babilonia chjamb wala's jyucate castigäyya', seena' ewmée yüupa'ga. ²⁰Tyajü' mar pyäjsu quiwe u'psa vite' vits wala jyuca vituty. ²¹Naapcachja' cielujü cuetumba nasaa cajcucjê üshity seena' walasa pajnz arroba äj dujsa. Atsa' tyã'wë seena' yüute', nasa yu' jweefirráaty Dyusa's atsewe'we', tyã'wë castigo seena'sa's caapja'ga.

U'y canzh pcal yüusa's iviituni

17 ¹Tyajü' siete angeleswe'sh na'wë siete copa jì'pju'ty tyãatewe'sh teehsa's uytju, atsa' andya's na'wëc we'we:

—Ayte myuj, na'wë u'y canzh yüuna fi'nzesa mar cajcuete cachrra u'pa' tyã'sna castigäywal'ja's pta'shya'vatj. ²Maa quiwete jycaajsawe'shva tyã u'y yacjrrarráaty canzh pcal yüuna fi'nze', atsa' naa quiwete nasa' tyã canzh fi'nzewal'j yuurráanaty piyana üsu'.

³Tyajü' andya' Dyus Espiritu apjniitj yuu, atsa' Dyus angela' andya's pe'jna u'cj nasa u'pnimée quiwete. Cytee' teech u'y ech bej seena' canzhsa cajcuete a'jrra u'ptetj uy. Atsa' tyã ech seena' canzhsa cacuete yu' Dyusna atsewe'wena fi'ljnisarráa utac jì'pju', sa' siete dyictjé diez caachuc jì'pju'. ⁴Tyã u'ya' atjni ropa iiméj ew bejsac jì'pju', vyuu bej vite' cuet zhichcuesa vite' perla iiméj pa'gasa tyã'wësa atyjcu iijyü yu'. Sa' cusete yu' vyuu bee copa ewmée canzhsarrarráa uta jì'pjsa'scu jì'pju'. ⁵Sa' dyictjete yu' na'wëc fi'ljni yu': Babilonia chjamb canzh jyutjtjesa canzh yüuwal'ja's caapiya'jsa jínac fi'ljni yu'. ⁶Tyajü' jiyutj, tyã u'ya' tūunic

yu' Dyus luuchwe'sh ee vite' Jesus caapiya'jni's pta'shpa'ga icjni yuuty tyāawe'sh ee yacj. Sa' u'y tyā'wēsa's uyrra', wala üucjtju.

⁷Tyājū' Dyus angela' na'ljī'c:

—¿Quīj yūurra üucjna üsnga? Caajiyu'jya'vatj tyāa u'y ma'wēsateva vite' tyāa ech seena' canzhsa tū'sna u'juetsa' siete dyictjé ji'pjrra diez caachu ji'pja' tyā'sna. ⁸Ech seena' canzhsa's uyngu tyā' nyaffi yu' üsu'c, nava āchja' meea'. Tyā'wērrava cafy iiméj seena' dyiisajū casejena vituya'. Atsa' naa quiwetewe'sh jyucaysa tyāawe'sh yase's bagachterráa yujva uuwa'jmée ityī fi'nzewa'lj librute fi'jnimeesa yu' wala yuj üucjutyna tyāa ech seena' canzhsa qui' vyaana tyā'sna uyrra.

⁹Na'sa' jiyuwa'jsa üsrra', mjiyuwe: U'y cachrra u'pa' tyāa ech dyictjé sietesa' siete vits walata'. ¹⁰Sa' tyāa dyictjeírráa siete jycaajsata'. Tyāa jycaajsawe'sha' tajtssa yu' vituyā'jty, atsa' āchja' seistewe'sha' jycaajna üsa', nava nmejtewe'sh sietesa yu' jycaajya' tacjmeya'. Nava tyāa nmejtewe'sha' jwee yu' tyachmée jycaajana. ¹¹Ech seena' canzhsa nyaffi yu' üsu'c nava āchja' meea' tyā' jycaajsa sietesac yu'. Nava ew jiyute yu', tyāaírráa jycaajsa ochotewe'sh yuuwa'jsa'. Tyāa e'su isa jyucate vituna.

¹²Sa' diez caachu uyngu tyāa yu' diez jycaajsawe'shta'. Nava tyāawe'sha' jycaajya' tacjmeya'. Nava jycaajsa yuuwa'ja's jypa'gatyna wala tyachmeecuerráa, ech seena' canzhsa yacj ja'ndarraj. ¹³Tyāa diez jycaajsawe'sha' ma'wē yūuwa'ja'sva cyanzí ja'ndarraj puuty we'werra üsta'. Tyāasa ech seena' canzhsa's cchjāachja'jatyna cyteerraj jycaaj pu'chna. ¹⁴Tyā'wē yūurra Piishacuē jīnisa yacj puiityna. Nava Piishacuē jīnisa yuj pejca cnayuuna tyāawe'shtyi', tyāa pa'gatey tyā' Maateva Jytjaacue Chjāchjasa', sa' Maa Jycaajsateva Jytjaacue Jytujtjesa'. Atsa' tyāa yacj üssa' Dyus peeygājrra nwe'wenisata' tyāa yacj tyutemée fi'nzesa.

¹⁵Tyājū' Dyus angela' vite na'wēsa'sva pta'shcu:

—Na'wē u'y canzh pcal yūuna fi'nzesa cachrra u'pni mar uyngu tyā' naata': maa quiwete chjambva jyuca, nasa majūwe'shva fiyfiyrraj we'wesa tyāata'. ¹⁶Sa' ech seena' canzhsa dyictjesu diez caachu uyngu tyā' jycaajsa yuuwa'jsata', sa' u'y canzh pcal yūuna fi'nzesa's ajtserra süpyrráa wāatajatyna. Tyā'wē yūurra, cacuete chich yu'sa' ū'rra ipyte cambutyna. ¹⁷Tyāa u'ya's tyā'wē yūurra iviitucajn, Dyus ne' jytjāas. Tyāa pa'ga tyāa jycaajsawe'sha' ech seena' canzhsa's cchjāachja'lj pu'chrra tyā'wē yūutyna, Dyus we'weni' cytey yuucajn. ¹⁸Atsa' u'y cachrra u'pte uyngu tyāa yu' Babilonia chjamb canzh jytujtjesa', naa quiwete jycaajsa jyucaysaty tyāarrarráa jycaajna üssa.

Babilonia vituni

18 ¹Tyāa e'su' Dyus angel cielujū quījatstetj uy seena' juuna' jycaajwa'jsa, naa quiwete zhichcue eena' cweetjna. ²Sa' na'ljīnac sus we'we:

—Babilonia chjamb tyacue chjächjasarrava, Dyus castigo's jypa'gawa'tje yã'j ũsa!. Sa' ãchja' echtjē'j jycaajni espirtu ewmeesa vite' vichacue canzhsarrarráa ũswa'j yuuna pa'cj. ³Tyã'wē yūucajnií maa chjambva jyucaysa tyãa pcal canzhsaterrarráaty fi'nzena ũsu!. Atsa' naa quiwete jycaajsa jyucaysawe'sh pcal canzh yūuwa'ja's yuurráaty piya. Tyã'wēy tyweysawe'shva wala ji'pjsa yuuty, pcalte fi'nzewa'jrrá's tyweyna ji'c.

⁴Tyajū' cielujū na'jina we'weni wēse'tj:

—Andy nasa yã'ja' tyãa chjambu mcaasejwe, tyãa pcalsawe'sh yacj ũsya'mée, cyaj tyãa chjambte castigo' i'cue'shtyi's cpajcymeena. ⁵Na'ji'tj na': tyãawe'sh pcala' iiméj seena' walani' cielute cãjpcach, cyajc Dyusa' tyãa chjamba's castigãyya' yajcy tyã'wē canzhsapa'ga. ⁶Tyãava vitety ma'wēga ewmée yūu tyã'wēy ewmée myūuwe ca'tuva. Sa' tyãava ma'wēga vitety juuna' yūu, tyãate e'nz us tjaacue juuna' myūuwe. ⁷Pcyuuna macyūusu'jwe, tyãava macuega iiwejch yajcy na pcalte fi'nzena ũsu' tyãatey ãj. Sa' tyã' na'wēc yaaqui' tyajy ũuste: Ayte jycaajsa na'wē cachrra u'ptju. Nmi' ji'pjmeesameetj, sa' pytjaa yuuna fi'nzeme'nja sūjnac iiwejch yaaqui'. ⁸Tyãa pa'ga teeche enterráa castigo pa'jatyna na'wēsa: ñuswa'j, wējē, uu en, sa' ipyte cambni yuuna. Tyãa chjamba's Dyus chjächjasa' jyuca iviituna.

⁹Atsa' naa quiwete jycaajsawe'sh tyãa chjambte canzh pcal yūuna fi'nzesa' wala ñus we'wena ũ'netyna, tyãa chjavyni aja's uyrra. ¹⁰Sa' tyã'wē castigãyni's ũucjrra, jyu'jurráa tjengutyna na'jina:

—Seená' yuj pytjaa yuuc, Babilonia chjamb tyacue seena' chjächjasa. Naa dundte jyuca vitunic yuu jityna.

¹¹Naa quiwete tyweyna fi'nzesawe'shva tyãa chjamba's yajcyrra wala pytjaa we'wena ũ'netyna. Tyã'wē yūucajnií ãchyã'ja' peena yu' quim yujva weymeetyna macue tū'sna pa'tjeva: ¹²vyyu bej, vyyu chijme, cuet zhichcue wala pa'gasa, tela zhichcuesa iiméj pa'gasa, fytūu wēt putasá, marfil zhichcuesa, fytūu ewsa wala pa'gasa, bronce yaasesa, hierro yaasesa, marmól yaasesa, quijquijva tyã'wē zhichcue vitnisa. ¹³Vite' ũ'nisate wēt pēetjēsa, cambte wēt putasá, wēt putacajn cacuete shūshnisa, vino, aceite, scuutyj ũ'we ewsa. Vite' tajcy ctū'se'lnisa, piisháa, jimba, carretilla jimba wenzhnisa. Vite' nasa tyweynisa quij yujnava ya'tyweymeena. ¹⁴Sa' tyãa chjamba's na'jityna:

—iTyacue wala wechana fi'nzeni's ji'pjmeéc neeyūu, sa' tyacue zhichcue ji'pjuni'sva jyucate iviituc! jityna.

¹⁵Tyãa chjambte quijquijva tyweyrra wala ji'pjsa yuusaawe'sha' jyu'jurráa tjengna neeyūutyna castigãyni's ũucjrra. Sa' wala ñus we'wena ũ'netyna ¹⁶na'jina:

—iTyãa chjamb tyacue walasa seena' yuj yuuc! Nyaffi yu' u'y na'wēc zhichcue iijyūrta fi'nze', ropa iiméj pa'gasa, vyyu bej qui'pna yuunisa,

cueta zhihcuesa iiméj pa'gasarrarráaty tyā'wēsaty yu' iijyū'. ¹⁷Nava tyāa ji'pjunisa naa dundte jyuca ptsuuc jityna. Tyā'wēy barco namuwe'sh, vite' cytee mjīsawe'sh jyucaysa jyu'jurráa tjengna neeyūutyna. ¹⁸Sa' tyāa chjamb chjavyna shi'tasa aja's uyrra', na'jina sus we'wetya:

—Mtee yujva naa chjamb na'wēy walasa yu' meea' jina, ¹⁹ñusweete dyictjecjē quiwe ya'fijmbna sus ū'nena na'jityna:

—Seena' ñusñus cnaycu chjamb tyacue walasa tyajy ji'pjuni yacj wala ji'pjsa vitcu barco ji'pjsa yuutyi' jyucaysaty. Nava naa dundte jyuca vitunic yuu jityna.

²⁰Nava cielute ūssawe'sh wala yuj mweechawe tyāa chjamba's castigāyni's uyrra, Jesus jycaajnisawe'sh vite' Dyus yuwe pta'shsawe'sh, Dyus yacj fi'nzesawe'sh jyucaysa. Tyāa pa'gatey Dyusa' tyāa chjamba's castigāyā'c, i'cue'shtyi ewmēe yūupa'ga jinic ptjūuse.

²¹Tyajū' Dyus angel teechna' seena' wala chjāchjasa ū'cjni cueta na'wēsa's quisrra, marcjēc wāataj na'jina:

—Babilonia chjamb tyacue walasa tyā'wē wāataani' yuuna, atsa' tyā'sa' bagachte yujva peena yu' uymeetyna. ²²Atsa' tyāa chjamb clliiicjunsu tucani música arpa, cuvy, trompeta tyā'wēsa ptjūusemeetyna. Sa' tyāa chjambte quij mjīsa yujvamēe yuutyna, sa' ū'cjni'rráa yujva ptjūusemeena. ²³Cytee pqui'tanirráa yujva cweetjmeena, sa' boda fiesta vitna susniva peena yu' ptjūusemeena. Tyāa chjamba' tyweyna ūssawe'sh wala yuj chjāchjasaty ji'pju'c, sa' naa quiwetewe'shtyi jyuca caypumba'cj dyijyuurra. Nava āchja' quij yujva ji'pjmēe yuuna jī'c. ²⁴Tyā'wē yuucajní Dyus yuwe pta'shsawe'sh vite' Dyus yacj fi'nzesawe'sh vite' naa quiwete mtee mteeva icjnisawe'sh eea' jyuca tyāa chjambterrarráac ūs yu'.

Dyusa's cielute wechana ūsni

19 ¹Tyāa e'su' cielujū nasa wala cujsa sus we'weni wēse'tj na'jina: Cue'sh Dyus chjāchjasa tyāa yuurráa ewte nviit-sa',

Sa' tyāa yuurráa jytujtjesa',

Tyāa pa'ga cue'sh Dyusa's wechaaga.

²Tyāasafic chjamb tyā'wē canzh yūuwa'ja'srráa caapiya'jsa's castigāy, Naa quiwete canzh yūuna suwna ūssa's.

Sa' Dyusna selpisaaty icjpa'ga ca'tuva Dyusa' castigāy yu' jī'ty.

³Tyajū' qui'quin we'wety na'jina:

—Cue'sh Dyusa's wechaaga. Tyāa chjamb chjavyni aja' bagachte yujva ptsumēe shi'tana nes yuuna jī'tspcachja', ⁴veinticuatro jycaajsawe'sh vite' Dyus vitni ityāsa pajnsawe'sha' Dyus jycaajna u'psa tashte peejyūcuerra wechaty na'jina:

—Tyā'wē yuj ew yuuc. Tyāa pa'ga Dyusa's wechaaga jī'ty.

⁵Tyāa e'su' Dyus jycaajna u'pniijū teechna' na'jina we'wenic ptjūuse:

Cue'sh Dyusa's mtuutje'jwe, tyā'sna selpisaawe'sh

Le'chcuesa ma'c yuu meerrava walasa ma'c yuu nava tyã'srráana
nwēese'jna jyucaysa jī'c.

Cielute boda fiesta āani

⁶Tyajū' nasa wala cujsa we'weni na'wēsa'stju wēse'j tyāa yu' cuj yu'
susni na'wēc ptjūuse', vite' cpi'sh sus we'weni na'wē. Sa' na'ljī'ty:

Dyusa's wala yuj wechaaga, tyāa pa'gatey cue'sh Dyus quijteva jyuca
ājāsa tyā' jycaajya' tacjyā'cj.

⁷Atsa' seena' wala wechana tyā'sa' tuutje'jega, tyāa pa'gatey

Piishacuē jīnisa nyuu yuuwa'jsa' ya'pjeu'cj,

Atsa' boda fiesta ena' ājyā'cj.

⁸Tyāa nyuu yuuwa'jsa' ropa iiméj zhichcue chijmesa's caatje'jnic yuu
jī'ty.

(Tyāa ropa ewsa yu', Dyus dyi'pte jypumbamée ew fi'nzeni jīnisa'.)

⁹Tyajū' Dyus angela' na'ljīnac fi'cjaaj:

—Piishacuē jīnisa boda fiestate pi'cynisawe'sh yacja' wala yuj wecha
yuja' jīna cfi'ja'jrra', na'ljīnac we'we:

—Na'wē we'wenisa' Dyus cwe'we'jnisa isasata' jīte', ¹⁰andya' Dyus
angel tashte neewe'weya' peejyūcuetj. Nava tyāa yu' na'ljī'c:

—Andya's peejyūcueni. Andya' Dyusna selpisáa indy na'wēysafirráatj,
iindy yacjtjē'jwe'shva ma'wēta Jesus caapiya'jni isasa's jypumbamée
pta'shna pecūjū' tyā'wēysatj. Atsa' Dyusrráana mneewe'we. Na'wē quijva
yūuna jīna caavya'ja'tj tyāa yu' Jesus ma'wēsateva caajiyu'jsata' jī'c.

Jimba chijmete a'jrra casejsa

¹¹Tyāa e'su' cielu pjaterra ūstetj uy, atsa' teech jimba chijmesac vyaa.

Cyte a'jsa yu': Isasarrá's Cytey Yuusáa jīnac cysusni yu', tyāa pa'gatey
isasa yu'sa' jyuca cytey yuuna puiirra cnaycu naa pa'ga. ¹²Sa' tyajy yafy
yu' ipy beesa na'wēc eena' cweetje'. Dyictjete yu' wala cuj corona ji'pju'c,
sa' vite yase fi'jni ji'pju'c tyāa yase's tyāa yuurráac jiisa yu'. ¹³Tyajy
atjni ropa yu' eete acjnisa'scu jyaatj yu'. Sa' tyāa yu' Dyus ma'wēsateva
tyā'sna caajiyu'jsa' jīnisac yu'. ¹⁴Atsa' tyāa yacj u'jsa yu' cielutewe'sh
jyucaysa jimba chijmesatety a'jrra u'juets yu', ropa ewsa chijme atesa's
atjrra. ¹⁵Sa' tyajy yuwesu yu' espada seena' zecsac sējna ūsu', tyāa yacj
maa quiwetewe'shtyiva cnaywa'jsa. Tyā'wē yūurrac maa quiweteva jyuca
juuna' yuuna tyāarrarráa juuna' jycaajwa'jsa yu'. Sa' ewmeesa yuutyi's
seena' castigaína cyūusu'jna, uvaty cu'ssava ma'wēga seena' yū' tyā'wēy
yūuna Dyus quijteva jyuca ājāsa tyā'wē seena' castigaína. ¹⁶Sa' tyajy
atjni ropate vite' jī'mbesu na'ljīna fi'jnic ji'pju': Maa Jycaajsateva Jytjaacue
Jytujtjesa', sa' Maateva Jytjaacue Chjāchjasa' jīna.

¹⁷Tyāa e'su' Dyus angel secte yujurra ūstetj uy, tyā' na'ljīnac sus we'we
uuniisa chichtyi's ū'sa vichacuēty:

—Jyucaysa pcjaacjerra myujwe ũ'ya' i'cue'sh ũ'wa'j Dyus ũscu tyā's. ¹⁸Sa' ũ'wene'cue uusaawe'sh chich, jycaajsawe'sh ma'c yuu, npiitstjē'jwe'sh ma'c yuu, nasa iiméj jytujtjesa ma'c yuu, jimba uuniisa ma'c yuu, jimbate a'jsa uusaawe'sh ma'ty yuu, patron ji'pjasa ma'c yuu meerra' patron ji'pjmeesa ma'c yuu, le'chcuesa ma'c yuu walasa ma'c yuu nava tyāaty jyuca pcjacjrra mē'we jīnac we'we.

¹⁹Tyajū' uytju ech seena' canzhsa vite' naa quiwete jycaajsawe'sh tyajy nasa yā'jrra jyucaysa pcjaacjerra tyāa jimbate a'jsa yacj vite' tyajy nasa yā'jrra pdyi'purra puiiya' ũste. ²⁰Nava ech seena' canzhsa Cristo's atsewe'wesa vite' ech canzhsa Dyus yuwe pta'shsa na'wē quījva caavya'jal'jrra caypumba'jsa tyāa yacj e'nzīi tundnity yuu, tyā'wē Cristo's atsewe'wesa iisawa'jni's caaqui'pu'jna ech seena'sa piisani yuuc tyā'snava neewe'wecajn caypumba'pja'ga. Tyajū' tyāa e'nzīity ipy wala asufre yacj bejna ũsa' tycjēe wāatāanity yuu ityītey. ²¹Tyajū' jimbate a'jsa yuwesu espada seena' zecsa sējna ũsu'c tyāa espadaju icjnity yuu nasa ewmeesa yuutyi's, atsa' uuniisa chichityi's vichacue' tyicpcachtyi ũ'.

Naa quiwete mil añupcach Cristo jycaajwa'j

20 ¹Tyāa e'su' Dyus angel cielujū quījatste uytju, cāfy iiméj seena' dyiisatewe'sh llavi's atrra, vite' tsam cadena walasa'scu ji'pj yu'. ²Sa' tyāa angela' echtjē'ja's tundcu mil añu ājpcach. Tyā' tyāniitey ul weeswēe Satanascu yaase yu'. ³Tyā'wē yūurra cāfy seena' dyiisate cyuupjrra vityte yu' selloc qui'p, maa quiwetewe'shtyiva peena yu' īshīiya' casejajmén mil ānu ājpcach. Tyāa mil añu ājte', tyjweteni yuuna tyachmeerrāava.

⁴Tyajū' jycaajna ũsnisaty'tju uy, atsa' cysū yu' castigāyya' ājāwa'jsaty cachrra u'pu'. Vite' Jesus caapiya'jni's nwēese'jrra Dyus yuwe's pta'shna fi'nzepa'ga dyictje's spē'tjrra icjni yuuty tyāawe'shtyiva uytju. Tyāawe'sha' ech seena' canzhsa vite' tyāa ech na'wēysa piisani yuuc tyā'sna neewe'wesameety yu', sa' tyāa ech iisawa'jni's dyictjesu meerrava cusesurrāa yujva caaqui'pu'jsameety yu'. Tyāawe'sha' qui' ityī yuurra mil añuty jycaajna ũsu' Cristo yacj ja'ndarra. ⁵Tyāawe'sha' uurrava qui' ityī yuusaata' nyafyte, nava vite uusaawe'sh yu' ityī yuumeeta' tyāa mil añu scjēwpcach. ⁶Dyus yacj yuurrāa fi'nzerra uunijūva tyāawe'sh cju'e'y nyafyte ityī yuusāa yacja' seena' yuj wecha yuja'. Tyāawe'sha' bagachte yujva Dyus yacj puuty uywal'jmeete yu' u'jmeetyna. Tyāa pa'ga tyāawe'sha' mil añupcach jycaajna ũsutyna, Dyus vite' Cristo tyāawe'sh tashte selpiina.

⁷Mil añu scjēwnijū' echtjē'ja' tundnijū tyjweteni yuuna, ⁸sa' īshīina caypumba'jya' casejena naa quiwetewe'shtyi jyuca, Gog vite' Magog tyāawe'shtyi. Tyā'wē yūurra puiiya' pcjacjena Magogwe'sh nasaty. Tyāawe'sha' iiméj seena' cujta' cuetmuse na'wē. ⁹Tyāasaty quiwe

macueteva jyuca ãjrráa cyaanduu Dyus luuchtyi vite' Dyus peeygãani chjambnava. Naapcachja' Dyusa' cielujũ ipy caajrra tyãawe'shtyi' jyuca cambcu. ¹⁰Sa' echtjê'j ishãisa's ipy wala asufre yacj bejna ũsu'c cyteec acjni yuu, na'wê ech canzhsa Cristo's atsesa vite' Dyus yuwe pta'shsa na'wêy yuurra caypumba'cj tyãawe'shtyi acjni yuuty cytee. Cyteea' en ma'c yuu cus ma'c yuu nava bagachterrãa yujva caasewa'jmée chjavyna nes yuutyna.

Castigãywa'ja's pta'shya' cuutya'jni

¹¹Tyajũ' jycaajna u'pni chijmesa seena' walasa'stju uy, vite' cytee cachrra u'psa's. Tyajy yafyju tjengniterrãa quiwe vite' cielu wantãimeerra jyuca vituty, sa' peena yu' vyaameeta'. ¹²Tyajũ' uusaawe'shtyi uytju, walasa ma'c yuu le'chcuesa ma'c yuu nava jyuca Dyus tashte yujrra ũste. Atsa' libruty pñandenity yuu, vite' bagachte yujva uuwa'jmée ityĩ fi'nzewa'j libru yã'jrra. Tyajũ' uusaawe'shtyi Dyus tashte cuutya'jnity yuu, tyãawe'sh ma'wê yũuna fi'nzesateva librute ma'wêne' fi'jni ũsu' cytee tjengrra castigãywa'ja's pta'shya'. ¹³Yu'cjê cjêerra uusaava ityĩ yuurra quiitety, naapcachja' quiwe dyiiga pñandisava ityĩ yuurra quiitety. Atsa' jyucaysaty teehsa na'wêrraj ma'wê yũuna fi'nzesateva pta'shrra castigãywa'jty yuu. ¹⁴Tyajũ' uu en vite' uusaawe'sh yã'jrra infierno ipy walate acjnity yuu. Tyãa infierno ipy walate cjëenijũ' bagachte yujva Dyus yacj peena yu' puuty uywa'jme'. ¹⁵Atsa' cyteety acjni yuu bagachte yujva uuwa'jmée ityĩ fi'nzewa'j librute tyãawe'sh yasety fi'jnimeesatyi's.

Cielu u'sesa quiweva u'sesa uyni

21 ¹Tyãa e'su' cielu u'sesa vite' quiweva u'sesatj uy. Tyã'wê yuucajnũ nyafiitey cielu vite' quiweva nyafiiteywe'sha' scjëwniity yuu, atsa' quĩj mar yujva meec yuu. ²Juan yaasesa andya' uytju Dyus chjamb Jerusalen u'sesa tyã'wê Dyus tashu cielujũ quĩjatste. Tyãa chjamba' seena' ew pjeu'jni yu'c, novia iimi'ya' pjeu'jrra ũytjãsna ũs na'wê. ³Sa' cielujũ sus nal'jina we'weni wêsetj:

—Mtjeng, ãchja' Dyusa' nasaa cshavyte ũsa' tyãawe'sh yacj fi'nzeya', atsa' nasa' Dyus jii yuutyna. Dyusa' tyãawe'sh Dyus yuuya' tyãawe'sh yacj fi'nzena. ⁴Tyãasa Dyusa' quĩj ñusnijũva jyuca nwe'wena, atsa' peena yu' uuwa'jmée yuuna. Ũ'newa'j enva pa'jmeena, ñus we'wewa'jva pa'jmeena, acasava pa'jmeena, tyãa pa'gatey nyafii fi'nzeni ena' scjëwcu j'i'c.

⁵Tyajũ' jycaajnite cachrra u'psa' na'j'i'c:

—Mtjeng, quĩjtyva jyuca yu'ptjejrra u'serrarrãatj vit jyuca jĩrra', qui' na'wêc we'we:

—Na'wê we'wenisatyi' mfi'j, tyãa pa'gatey tyã' isa cytey yuuwa'jsata' jĩrra', ⁶qui' we'wec:

—Andy we'weni' jyuca cytey yuunic yuu. Andya' naa quiwe meetey ũsyã'tj yu', sa' bagachteva nes yuüwa'jsatj ptsuwa'jsamée. Atsa' maava yü'wēesa's quīj yujva vyuu pa'gamée ũsu'nja yu' bagachte yujva uumée caafi'nzel'jwa'lsana. ⁷Maava ewmeesa yu'sa' nwēese'jmée jyuca cnaysawe'sha' quījva Dyus jii yu'sa' jyuca tyāawe'shrrarráa jypa'gatyna. Atsa' andya' tyāawe'sh Dyus yu'nja, naapcachja' tyāawe'sha' andy luuch yuutyua. ⁸Nava maa nasava Dyusa's chjächja yaacysamée yã'ja' ya'scarra fi'nzesa, quījteva canzhrráa yüuna fi'nzesa, nasa icjsa, canzh pcal yüuna fi'nzesa, dyijyuuna fi'nzesa, Dyus ityĩmeesaty neewe'wesa, ishĩisa tyāawe'sha' infierno ipy wala asufre yacj bejna ũsa' cytee cjēeya' u'jwa'j jip'jutyna, bagachte yujva Dyus yacj peena yu' puuty uyua'mée.

Jerusalen u'sesa's uyni

⁹Tyajü' Dyus angel sietesawe'sh na'wē Dyus castigo nmej sietesaty jip'ju'ty siete copate tyāa sietesawe'sh teehsa' cüjrra na'wēc we'we:

—Myuj tjengya', pta'shya'vatj Piishacuē jīnisa nyuu yuüwa'jsa's jīc.

¹⁰Naapcachja' Dyus Espiritu apjniitj yuu, atsa' Dyus angela' pe'jna u'cj, teech tjã'j vits seena' wala ēete. Sa' cytee cãjrra', caavya'ja'cj Jerusalen chjamb wala Dyus tashu cielujü quĩisa's. ¹¹Tyāa chjamba' zhichcue zmeena'c cweetjna ũsu', Dyus cweetjniiju. Sa' tyāa zmeena' cweetjnisa yu' cuet iiméj zhichcue cuentetesa na'wēc yu'. ¹²Sa' tyāa chjamb peecu'j yu' cuetrrarráac upjni yu', wala ēete jyu'j umnisa, sa' doce vitycu jip'ju'. Sa' tyāa vity iisa teech angelyi ũsu'. Tyāa vitysu yu' Israel jii'j docesawe'sh yasety fi'jnity u'pu'. ¹³Sec cāani ju'ngu tecj vitytyi u'pu'. Sec cjēeni ju'nguva tecj vitytyi u'pu'. Sa' tjacue ju'nguva tecj vitytyi u'pu', vite' tashu ju'nguva cyanz vityfi. ¹⁴Tyāa chjamb peecu'j doce cuet qui'prra tyāa cajcuesuc cuet upjni yu' tyāa iisa doce yasety fi'jni yu', na'wē Piishacuē jīnisa jycaajnisas docesawe'sh yasety.

¹⁵Andy yacj we'wesa Dyus angela' jip'ju'c isani metro vyuu bejrrarráasa tyāa chjamba's isawa'j, vite' cytee vity vite' tyāa cuet upj tyã'wēsaty isawa'j. ¹⁶Chjamba' puuty tyacjuerrarráac yu' jyu'jya'va tyacjuēy, tapeya'va tyacjuēy. Atsa' Dyus angela' tyāa chjamba's isani metro yacj isate', dos mil doscientos kilómetro jip'ju'c jyu'jya' tyacjuēy, tapeya'va tyacjuēy, cjēete ēeteva tyacjuēy, puuty tyacjuerrarráaty yu'. ¹⁷Tyajü' cuet upja'scu isa, atsa' sesenta y cuatro metroc jip'ju' cjēete ēete. Cue'sh isani metro jii'tja'w tyāa yacjĩrráac Dyus angela' isana ũsu'.

¹⁸Tyāa upja' cuet jaspe yaasesa yacjrrarráac umni yu', atsa' chjamb yu' vyuu bejrrarráac yu', tyāasac seena' zhichcue zmeena' vya'. ¹⁹Cuet upja's caachinda'jnisa cuet yuutyi'sa' cuet fiyfiy zhichcuesa yacjrrarráaty pjeu'jni yu' tyã' naata': nyafytewe'sha's, jaspe yaasesa yacj; e'stewe'sha's, safiro yaasesa yacj; tecjtewe'sha's ágata yaasesa yacj; pajnzte'wese'sha's, esmeralda yaasesa yacj; ²⁰tajstewe'sha's, ónice yaasesa yacj;

seistewe'sha's, cornalina yaasesa yacj; sietetewe'sha's, crisolita yaasesa yacj; ochotewe'sha's, berilo yaasesa yacj; nuevetewe'sha's, topacio yaasesa yacj; dieztewe'sha's, crisoprasa yaasesa yacj; oncetewe'sha's, jacinto yaasesa yacj; docetewe'sha's amatista yaasesa tyā'wēsa yacjtyi scandni yu'. ²¹Doce vitysa yu', perlarrarráaty yu', teech perlarráa teech vityte ājc yu'. Atsa' chjambte cliicjun wala yu' vyuu bejrrarráac yu', tyāasac zhichcue zmeena' vyaana nes yu'.

²²Cyteea' pcjaacjeni dyuus yat uymeetj, tyāa pa'gatey cue'sh Dyus quījteva jyuca ājāsa tyāa chjambte jyuca ājrráac ūsu', Piishacuē jīnisava tyā'wēy. ²³Tyāa chjamba' sec, a'te, tyā'wēsa eena' cweetjwa'jsa peejymeec yu', tyāa pa'gatey Dyus zmeena' cjicjyni yacjrráa jyucac eena' cweetje', atsa' vite zmeena' cweetjsa' Piishacuē jīnisaírráac yu'. ²⁴Maa quiwetewe'shva Dyus nwe'wenisa' tyāa chjamb eena' cweetjnisu fi'nzetyna, atsa' maa jycaajsawe'shva tyāa chjamba's wechana wala tuutje'jetyna. ²⁵Tyāa chjambte vitya' maa enterráa yujva apjni yuumeena, tyāa pa'gatey chji'ndywa'j enva mée yuuna. ²⁶Cyteea' wala yuj tyāa chjamba's wechana tuutje'jetyna maa quiwejúwe'shva. ²⁷Nava canzhsa yu' quīj yujva u'cameena, ajtsena íshīisa quījquījva ewmée yūusa. Naasáa Piishacuē jīnisa libru ji'pja' tyāa librute tyāawe'sh yasety fi'jnisa yuurráa u'catyna bagachte yujva uuwa'jmée ityī fi'nzewa'jsa.

22 ¹Tyajū' Dyus angela' teech yu'wala seena' zhichcue chijme atesa's pta'shcu, bagachte yujva uumée caafi'nze'jwa'jsa's. Sa' tyāa yu'a' Dyus jycaajna ūsni vite' Piishacuē jīnisa tyāawe'sh jycaajna ūsnijūc casejna ūsu'. ²Chjambte cliicjun walasa pyājte vite' yu'wala pucate puuty pdyi'p fytūutash bucharra walaana cājty, bagachte yujva uumée caafi'nze'jwa'jsa. Sa' tyāa fytūutasha' a'te iisac yūnna nes yu', tyāasac añute' doce veces yūnu', naapcachja' ets yu' yu'tsec selpi' maa quiwejú nasatyva jyuca. ³Cyteea' ewmeesa yu' quīj yujvamée yuuna. Tyāa chjambte' Dyus vite' Piishacuē jīnisa tyāawe'sh jycaajna ūsutyna, naapcachja' tyāawe'shtyi selpisaawe'sha' wechana neewe'wena nes yuutyna. ⁴Cyteea' Dyus yacj pdyi'purra puuty uyya' ājātyna, sa' Dyus yase's tyāawe'sh dyictjesu ji'pjsa yuutyna. ⁵Cyteea' chji'ndywa'j enmée yuuna, atsa' cytee fi'nzesa' pqui'tawa'jva peejimeetyna, sa' sec cweetjniva peejimeena, tyāa pa'gatey eena' cweetjsa' Dyusírrá'. Atsa' cytee ūssa' bagachteva wechana nes yuutyna.

Jesucristo quíiwa'j en utya ūsa'

⁶Tyajū' Dyus angela' andya's na'jīnac we'we:
—Na'wē pta'shnisa' isa cytey yuuwa'jsata', atsa' tyāatyi's isasa yujtyna sūjna wa'lmée jy'p'gawa'ja'. Tyāa pa'gatey nyaffi tyajy yuwe's pta'shsawe'shtyi caaūsutje'cj tyāa Dyus írráac āchva tyajy angela's caaj,

na'wě quíjva yūuya'va' jwee yu' jytjēyuumée tyāaty caajiyu'cjan āchj naa ensu selpisaawe'shtyi.

⁷Tyajū' Jesus we'werra':

—Tyachmey yuwe'nja, atsa' naa librute Dyus yuwe's fi'ljni ūsta' tyāaty cytey yūusa' seena' wechana neeyūutyna jī'c.

⁸Juan yaasesa andya' tyā'wēsaty'tju uyna wēse'jna yuu. Sa' tyā'wě uyna wēse'jrra', Dyus angel caavya'ja'cj tyajy tashte peejyūcuetj neewe'weya'.

⁹Nava tyāa yu' na'wēc we'we andya's:

—Andya's peejyūcuenu. Andya' indy na'wēysaírráatj, iindy yacjtjē'jwe'shva ma'wēta Dyus yuwe's pta'shna fi'nze' tyā'wēsaj, vite' Dyus librute fi'ljni ūsa' tyā'sna cytey yuusawe'sh na'wēysaírráatj Dyusna selpisáa. Atsa' wejyva Dyusnarráa mneewe'we jī'c.

¹⁰Tyajū' qui' we'wec na'jīna:

—Naa librute Dyus yuwe's fi'ljni ūsa' tyā'sa' pta'shmée yu' yuunu. Tyā'wēme' cytee we'wenisa cytey yuuwa'j en ājya'va'. ¹¹Atsa' tyāa en āanijuyā'ja', pta'shni's nwēese'jsamée yu' jweeírráa ewmée canzh yuuna fi'nzetyna, naapcachja' pta'shni's nwēese'jsa' jweeírráa Dyus yacj tyutemée chjāchja fi'nzetyna.

¹²Tyajū' Jesus qui' we'werra':

—Tyachmey yuuyuju'nja. Sa' teechna na'wērraj quíj yūuna fi'nzesateva tyā'wě fi'nzepa'ga deweni's jyūrta yuwe'nja. ¹³Andya' naa quiwe meetey ūsyā'tj yu', sa' bagachteva nes yuuwa'jsatj. Andytju nyafyte ūsya' tacj, sa' jyuca scjēwteva andy írráa neeyūuwa'jsatj ptsuwa'jsamée.

¹⁴Maava atjni ropas yaaterra ji'pjsa yacja' wala yuj wecha yuja', Dyus chjambte vityte u'carra cytee fytūutash bagachte yujva uumée caafi'nze'jwa'jsa's ū'ya' u'casa yacja'. ¹⁵Nava canzh ewmeesawe'sh, dyijyuuna fi'nzesa, canzh pcal yūuna fi'nzesa, nasa icjsa, Dyus ityīmeesaty neewe'wesa, quíjteva jyuca íshīiwa'jrrá's yajcyna fi'nzesa tyā'wě yūusawe'sha' u'caya' ājāmeerra ecaju neeyūutyna.

¹⁶Jesus qui' we'werra': Andya' andy tashte selpisáa angela's caatj, Dyus luuchwe'shtyi tyā'wēsa's jyuca pta'shcajn. Andya' nyafytewe'shtju, sa' jycaajsa David ji'tje casejsatj. Sa' cjcijitste estrella zhichcue eena' cweetjsatj jī'c.

¹⁷Atsa' Dyus Espiritu vite' Piishacuē jīnisa nyuu tyāawe'sha' pi'qui'ty:

—Myuj jīna.

Atsa' tyā'wě pi'cyni's wēse'jsa' jweeju mpa'yawe. Atsa' yū'wēesa' utyaarra mpa'gawe yu' bagachterrāa yujva uuwa'jmeete caafi'nze'jsa's, quíj yujva vyuu pa'gamée.

¹⁸Dyus yuwe naa librute fi'ljni ūsa' tyā'sna nwēese'jsa' jyucaysaty andya' na'wētj yu'cypeje': Dyus yuwe naa librute fi'ljni ūsa' tyāate quíjrráava yutyaváatyna atsa' tyā'wě yūusatyi's na'wě naa librute castigo fi'ljni ūsta' tyāaty jypa'gawa'j vituna Dyusa'. ¹⁹Meerrava Dyus yuwe naa librute

fi'jni ũsa' tyā'sna quijrráava iviituváatyna atsa' tyā'wē yūusatyi's Dyusa' puutsmeena tyāa fytūutash bagachte yujva uumée caafi'nze'jwa'jsa's. Sa' na'wē pta'shna fi'jni yuuc tyāa chjambteva ca'ga'jmeena.

²⁰Tyā'wē yūuwa'jsa' na'jī'c:

—Tyachmey yuuyuju'nja jīte', passa':

—Tyā'jīvatsrráava, wēt yuuna. Nava dund myuj, Jesus.

²¹Cue'shtyi jype'jsa Jesucristo' i'cue'sh jyucaysaty pu'chjina.